



歷代名賢列女姓氏譜卷之九十八

湘鄉 蕭智漢雲澤氏纂輯

男秉信明甫氏校

下平聲 十一尤

劉氏

途

劉景字可大河間人四世祖怍父守敬南京副留守景資性端厚好學能文初辟趙延壽幽都文學應歷初遷右拾遺知制誥為翰林學士九年周人侵燕留守蕭思溫急請濟師帝欲俟秋方出景諫曰河北三關已陷于敵今復侵燕安可坐視上不聽會父憂去未幾起復舊職一日名草赦既成留數月不出景奏唐制赦書日行五百里今稽期弗發何也上亦不報景宗即位乃以忠寔擢禮部侍郎遷

姓氏譜

卷九

十一尤

劉氏

一

尚書兼宣政殿學士上欲倚用書其笏曰劉景可宰相頤之拜南京副留守俄名為戶部使歷武定開遠二軍節度使統和二年景致仕加兼侍中卒年六十七贈太子太師劉伸字濟時宛平人少穎悟長以辭翰聞重熙五年進士歷彰武節度使掌書記大理正因奏獄上適與近臣語不顧伸言自古帝王必重民命願陛下省臣奏上大驚異擢樞密都承旨權中京副留守詔徙富民以寔春泰二州伸奏罷以為不可遷大理少卿至卿人以不寃稱轉西京副留守父憂終制改三司副使諫議大夫提點大理寺明法律多寬恕屢案寃獄全活者眾徙南京副留守俄授崇義軍節度使政務簡靜民用不擾致有烏鵲同巢之異優詔褒之改戶部使歲入羨餘錢三十萬緡轉南院樞密副使尋拜叅知政事論以勿憚宰相伸奏臣于乙辛尚不畏何

宰相之畏乙辛銜之相與排誠出爲保靜軍節度使上終欲大用加守太子太保遷上京留守復以事徙鎮雄武歷崇義軍節度使致仕適燕薊民飢與致仕趙徽韓造日濟以糜粥所活不勝算大安二年伸卒上震悼賻贈加等

**金**

劉彥宗字魯開宛平人唐藩鎮怱裔孫由石晉時歸遼六世相繼爲遼相父霄至中京留守彥宗登進士乙科遇天祚敗秦晉國王擢爲留守判官蕭妃攝政遷簽書樞密院事奉表來降太祖一見器遇俾復舊職遷左僕射佩以金牌使宣慰平州張覺太祖不豫留佐宗翰都統軍事張敦固拒守南京攻之不下加彥宗同中書門下平章事知樞密院事兼侍中又佐宗望軍以圖攻取兗州縣之事悉委裁決天會二年上以中京等兩路先多拒命特遣往諭撫

氏姓譜

卷九八

十一九

劉氏

二

慰百姓務勤稼穡官民罪犯在降附前者勿論未幾大舉伐宋彥宗畫十策令兼領漢軍都統蔡靖以燕山降詔凡一品以下官皆承制注授伐宋師還宗望分將士屯安肅雄霸廣信之境留于燕京節制諸軍乃治官政庀民務勸農積穀內供京師外給轉餉及圍汴京又說宗翰與宗望曰蕭何入關秋毫無犯惟收圖籍遼太宗入汴載路車法服石經以歸皆令則也二帥嘉納之六年薨年五十三追封鄆王正隆例降開府儀同三司大定十五年追封充國公諡英敏

劉仲誨字子忠彥宗孫也皇統中蔭授忠勇校尉九年賜進士第除應奉翰林文字海陵嚴暴臣下應對多失次嘗問以時政從容敷奏一無懼色每稱賞之貞元初父憂起復翰林修撰大定二年遷待制尋兼修起居注左補闕三

年詔與左司員外郎蒲察蒲速越廉問所過州縣還奏進  
玉田縣令李方一階爲順州知法擢權密雲縣尉石抹烏者母憂起  
本縣尉免去順州司候張璘密雲縣尉石抹烏者母憂起  
復太子右諭德遷翰林直學士改棧州防禦使境內多盜  
厥次縣送所獲強盜數十疑其有寃乃擇老稚者先釋之  
未幾果獲真盜入爲禮部侍郎兼左諭德遷太子詹事詔  
曰東宮講書或論議間當以孝儉德行正身之事告之無  
何東宮請增牧人及張設什用上語仲誨東宮諸司局人  
自有常數張設已具尙何增益太子生于富貴易至奢侈  
惟當導以淳儉朕自卽位以來服御未嘗妄有增益卿其  
諭以此意俄兼左諫議大夫十四年爲宋國歲元使館伴  
玉井來議欲變規起接書之儀辭以奉命遠來信約所載  
非使臣輒敢變更公等宋國腹心毋僥倖一時失大國歡

氏族譜

卷九八

十九

劉氏

三

往復再三竟用舊儀親起接書成禮而還遷吏部尙書轉  
太子少師兼御史中丞坐失糾舉大長公主事與侍御史  
李瑜各削一階十九年卒生平立朝峻整容色莊重前後  
爲東宮官十五年多進規諫顯宗特加禮敬世宗嘗言朕  
見劉仲誨嘗若將切諫者其以剛嚴見知如此  
劉炳葛城人貞祐三年登第每讀書見前古忠臣烈士爲  
國家畫策慮萬世安危者輒嘆息景慕上書條便宜十事  
書奏宣宗嘆其忠復名試問河北城邑何術可保兵民雜  
居何道可和鈔法如何可通物價如何可平炳對大畧以  
審擇守將則城邑固兵不侵民則兵民和敏散相權則鈔  
法通勸農薄賦則物價平上雖異其言而不能用但補御  
史臺令史俄轉典客署書表而已識者恨之  
劉敏行平州人天會三年登第除校書郎累遷肥鄉令歲

大飢盜掠人爲食諸縣老弱避入城郭不敢耕種農事皆廢畎畝荒蕪敏行自于州借軍士護民出耕多張旗幟爲疑兵往來巡邏暮復闖入由是盜不敢犯而耕稼滋殖轉高平令縣城壞久不修大盜橫恣不能禦爲捐已俸倡率僚吏出錢僱役百姓欣然從之凡用二千人繕治已完賊至鄉村百姓入保遂不能犯遷河北東路轉運使致仕卒

**劉敏柔**字君美大興安次人歷真定欒城二簿洪洞令開遠軍節度掌書記性明敏善聽斷有縣人楊遠利姪財而殺之誣稱夜兩屋壞壓死號訴哀切熟視而笑卽叱付獄其人立伏曰公神明也不敢延死遂寘于法秩滿縣人遮戀不得去爲立生祠刻石頌德正隆二年入爲大理評事遷司直大定二年轉河東南路轉運同知察廉第一改知平定軍陞大理少卿七年復出知磁州爲南京留守同知

氏姓譜

卷九八

十一九

劉氏

四

十年遷中都路轉運使卒于官

**劉煥**字德文中山人宋末兵起城中乏糧煮糠覈而食時煥尙少自飲清者以濃厚者供母鄉里異之稍長就學天寒擁糞火讀書不怠登天德元年進士調任邱尉每規正縣令貪汚秩滿令持杯酒謝日以尉廉慎使我獲考後調中都市令樞密使僕散忽土家有條結工牟利不肯從市役執繫之忽土來召煥不往乃暴工罪竟從笞罰鄉人石琚始以煥棄簡就煩疑爲圖利不悅至是以廉稱始加禮重升京兆推官再遷北京巡警使所蒞多惡少捕其尤者杖之戒曰孝弟敬慎則爲君子暴戾隱賊則爲小人自今毋狃于故習國有明罰吾不得私衆由是憚無敢犯者名爲監察御史父老數百臥車挽鐙欲留不得復攝戶部員外郎再遷管州刺史耆老復疏其著蹟十一事詣節鎮請

留後升鄭州防禦使轉北京留守同知世宗幸上京所過州郡大發民夫治橋梁馳道以希恩賞惟渙所部平治端好而已上嘉其意遷遼東路轉運使卒

劉仲洙字師魯宛平人大定三年登第歷龍門主簿香河酒稅使再調深澤令縣近疇沔河秋成時水忽暴溢極力護塞竟以無害有盜夜發居民震驚率縣卒生執其一餘衆遂潰旦日掩捕皆獲尋察廉能陞河北西路轉運司判官入爲刑部主事以才行見稱遷右司并吏部員外郎口語甚訥世宗語宰臣人有言敏辯而庸常不正者有言拙訥而才智通達存心向正者右丞張汝霖曰人之若是者多矣願陛下深察之二十九年出爲邢州刺史以六善爲教民化之章宗卽位除中都西京等路提刑副使上書力辯先年田穀等之寃帝從之得復官爵解其党禁明昌二年授并王傅兼同知大同府事尋改平陽移德州防禦使轉運郭邦傑節度李晏皆舉以自代陞爲定海軍節度使歲飢表請開倉未報先爲賑貸劾論以贖又請代兄仲淵罪責石州朝廷義而不許久之年老乞休累表方聽泰和八年卒年七十五仲洙性剛直果于從政尤長治民所在皆有功迹以能吏稱

氏姓譜

卷九八

十五

劉氏

五

劉政涿州人性篤孝母老喪明每舌舐逾旬忽能視物人皆異之有疾晝夜侍側衣不解帶到股啖之者再母死復負土起墳鄉隣欲佐其勞謝不敢葬之日飛鳥哀鳴翔集邱木間葬畢廬墓三年防禦使以聞特除爲太子掌飲丞劉天起本匹夫初甚庸鄙沐京戒嚴嘗上書于君相願暫假一職以自効每言戰國兵法平章白撒等信之令在景德寺監造革車三千輛天興元年得召見授都招撫使佩

以金符同輩皆笑其僥倖及至陳行軍殊有方畧每出戰  
數立奇功陳人甚倚重之時以多事故贈典不及

劉德基大興人登經義進士守官邊邑夏兵攻城積薪廳  
事之傍語家人曰城破卽焚我未幾果破家人不忍縱火  
遂被執脅使跪降不屈同僚給曰此人素有狂疾故敢如  
此爭曰爲臣死忠理當如此吾豈病狂者耶夏人壯之因  
繫諸獄冀其改圖始終無變遂害之贈朝列大夫通遠軍  
節度同知

劉均河南林慮人正大中爲亳州觀察判官與節度使粘  
合荆山同爲守禦天興元年正月元兵游騎自鄧至亳鈔  
鹿邑營于衛真西北五十里時太康諸縣皆降鹿邑令高  
昂霄與衛真令楚珩咸知大勢不支明諭縣人以避遷之  
意一同走亳二邑皆降亳城止有單州兵四百人號鎮安

氏姓譜

卷九八

十一

劉氏

六

軍皆紅襖餘黨力盡來歸變詐反覆提控楊春都統戴興  
屯已六年反假遷民爲軍防之元兵臨城荆山與均悉藉  
丁壯爲軍并修守具元兵北還乘間縱民收麥民得出輒  
遁城爲之空因遣將領分往招之并將領亦不返乃請于  
歸德帥府得甲騎百餘旣至春與興疑爲謀已至夜掩殺  
殆盡荆山出走衛真州中豪貴悉被剽掠有劉堅者初爲  
大兵守城被擒囚獄春乃出之使爲宣差同歸于元五月  
乙巳元石總管入亳改州爲順天府以春爲總管興爲同  
知劉順治中留党項軍千人守之屬縣皆下惟城父令李  
用宜不降春質其妻子竟不屈而死副提控邢某剛直循  
理將士嚴憚之時方臥病聞春亂流涕不自禁至是遣人  
昇致之邢指春大罵慚慙無言春欲害荆山家邢力勸止  
且令給道路費送出城邢尋病卒二年四月元將忒木解

攻歸德春遣興提精卒往赴獨與疲弱者守城亳州人王賓反正復以荆山爲帥春渡河北遁旣而崔七斤爲亂又殺賓朝廷不得已拜七斤節度使就其兵仗入蔡八月劉順仍攻七斤殺之鎮安軍復怒州人殺其家屬召元兵來攻不能拔殺屬縣民渡河而去旣而春復攻亳入據之至六月宋兵復來春乃脅筠同降筠佯應之歸其家取朝服顧妻子曰我起身刀筆仰荷上知始刻朝著又佐大藩死亦足矣今頭顱已如此假使有十年壽何以見先帝于陛下乎卽仰藥而死春遂出降劉堅奔走

**劉昂**字之昂興州人曾高而下七世登科昂天資警悟律賦自成一家作詩得晚唐體尤工絕句登大定十九年進士爲尙書省掾調平涼路轉運副使有術士言其官止五品始不之信俄母憂去職連蹇十年卜居洛陽有終焉之志會章宗立有薦其剛正可用詔除戶部主事泰和初自園子司業擢爲左司郎中會掌書大中與賈鉉漏言除授事爲言者所劾獄辭連昂上怒一時聞人如史肅李著王宇宗室從郁皆譴逐亦罷鉉政降昂上京留守判官道卒竟如術者之言

民姓譜

卷九八

十一元

劉氏

七

**劉從益**字雲卿渾源人高祖攜天會初詞賦進士子孫多由科第入仕從益博學強記精于經學能文章爲詩尤工五言登大安元年進士累官監察御史坐與當路辨曲直得罪去久之起爲葉縣令修學勵俗有古良吏風葉自兵興戶減三之一田多不毛其歲賦七萬如故乃請于大司農爲減一萬民甚賴之流亡歸者四千餘家未幾被召百姓乞留不許入授應奉翰林文字踰月疾卒年四十四葉人立石頌德以端午罷酒爲位而哭致其哀思有蓬門集



劉元遠字守真河間人自號通元處士嘗遇異人陳先生以酒飲守真大醉及寤洞達醫術若有素授之者乃撰運氣要旨論精要宜明論慮庸醫或出妄說又著素問元機原病特舉二百八十八字注二萬餘言然好用涼劑以降心火益腎水爲主宗之者咸守此法至今有名

劉希顏贊皇人世第農畝貞祐初盜起衆推希顏爲五馬山寨主勇敢有爲保障鄉閭活人十餘萬民咸被其德立勳德碑于五馬山

劉黑馬濟南人父伯林金末爲威寧防城千戶太祖圍威寧伯林鎚城降累從大軍攻伐比部曲所俘獲悉縱去在威寧十餘年務農積穀與民休息嘗曰吾聞活千人者後

氏姓譜

卷九八

十一元

劉氏

八

必封吾之所活何啻萬餘人子孫必有興者黑馬名焜字孟方始生時家有白馬產黑駒故以爲小字後遂以小字行年弱冠隨父征伐大小數百戰畧無懼色已襲父職爲萬戶兼都元帥從征西夏唐兀及東平大名皆有功太宗卽位始立三萬戶以黑馬爲首從征回鶻河西諸國皇弟拖雷入自大散關假道于宋以伐金命黑馬先由興元金房東下至三峯山遇金將完顏合達與戰敗之乘勝攻破香山寨及鈞州會增立七萬戶仍以黑馬爲首張柔史天澤嚴寔等次之從破蔡州滅金及征西川累功授都總管萬戶統西京河東陝西諸軍尋命巡撫天下察民利病從憲宗至六盤山商州與宋接境數被侵掠命黑馬鎮之宋人斂兵不敢犯請立成都以圖全蜀帝從之始立成都路就令管領新舊軍民大小諸務世祖中統初廉希憲宣撫

川陝時密里火者握重兵居成都希憲慮其與渾都海結黨爲變以黑馬有膽智使乘驛矯詔章誅之其子訴于朝帝曰此朕命也勿復言宋主帥愈興率兵圍瀘州時黑馬已屬疾猶親督轉輸不輟左右諫其少休慨然曰國事方急以此死無憾卒封秦國公諡忠宣

劉元振黑馬之子也字仲舉隨父入蜀立成都攝萬戶時年方二十既蒞事號令嚴明麾下宿將皆敬憚之世祖卽位命爲成都經畧使宋瀘州守將劉整密送款黑馬遣元振往受其降諸將皆言整無故而降情僞不可信元振曰宋權臣當國賞罰無章有功者往往以計除之是以將士離心且整本非南人而居瀘南重地事勢與李全何異此舉無可疑者遂行比至瀘整開門出迎元振棄衆先下馬與整相見明日請入城元振釋戎服從數騎與之聯轡入

氏姓譜

卷九入

十九

劉氏

九

飲燕至醉整心服獻金六千兩男女五百人元振以金分賜將士而歸還其男女宋蜀帥愈興圍瀘州以討整晝夜急攻五閱月城幾陷左右曰整本非吾人與俱死無益元振曰人以誠歸我旣受其降豈可以急而棄之且瀘之得失關國家利害吾有死而已食將盡殺所乘馬犒將士募善涸者資蠟書至成都求援又權造金銀牌分賞有功旣而援兵至元振與整出城合擊大敗興兵捷聞自陳擅造金銀牌罪帝嘉其功授成都軍民經畧使時議罷勳舊子弟之典兵者遂降爲成都副萬戶後兼潼川路副招討使劉德溫字純甫大興人起家中書省宣使成宗大德末年以年勞授內宰司照磨監建興聖宮調掌儀署令未幾改內宰司丞奉中旨徵河南民通糧德溫輒平其價令輸鈔以償民甚稱便復轉延福司丞奉旨代祠嶽瀆比還遷同

知大都路總管府事董轂之下供億浩繁德溫措置有法  
民用不擾遷甄用少監積官同知上都留守司事省檄和  
糴糧民以價不時得遞相觀望德溫下令曰糧入價出吏  
有敢爲奸者罪加等于是糧不踰期而集俄授永平路總  
管永平當天歷兵革之餘野無居民德溫爲政一年而戶  
口增倉廩寔遂興學校以育人材庶事畢舉歲大旱禱而  
雨歲以不歉灤漆二水爲害有司歲發民築堤德溫曰流  
亡始集而又役之是重困民也遂罷其役有豪民武斷鄉  
里前吏莫敢治德溫按得其罪論如法書其過于門永平  
古孤竹國也有伯夷叔齊廟而祀禮猶未備德溫請命有  
司春秋具牢禮致祭著爲式表廟額曰聖清卒封彭城郡  
侯諡清惠

劉秉直字清臣大都武清人順帝至正八年爲衛輝路總  
氏姓譜 卷九八 十九 劉氏 十

管多異政賦劫汲縣民張聚鈔并殺之日久不獲秉直具  
詞致禱城隍祠而使人伺于死所忽有村民戰怖仆地具  
言賊姓名及所在命尉襲之果得賊于汴遂正其罪秋七  
月蟲蝗生復爲文禱于八蜡祠蟲皆自死天不雨禾且槁  
又詣城北蒼峪神祠祈祝俄有青蛇蜿蜒而出觀者異之  
行不數里雷雨大至秩滿以親老去

劉因字夢吉保定容城人世爲儒父述刻意問學好長嘯  
世祖中統初劉肅宣撫真定辟爲武邑令以疾辭年四十  
未有子一夕夢神人以馬載一兒至其家曰善養之旣覺  
而生因故名駟字夢驥後改今名字三歲識書六歲能詩  
長而深究性理之說日閱方冊思得如古人者友之作希  
聖解國子司業硯彌堅教授真定因從之游初爲經學究  
訓詁注釋之義嘆曰聖人精義殆不止此及得周邵程朱

之書卽曉然曰我固謂當有是也嘗評其學之所長曰邵至大也周至精也程至正也朱子極其大盡其精而貫之以正也早喪父事繼母孝性不苟合不妄交賓客家雖貧非其義一介不取弟子造其門者隨材器教之多所成就公卿使者過保定聞因名來謁輒避不與見或以爲傲弗恤也愛諸葛孔明靜以修身之語表所居曰靜修丞相不忽木力荐于朝至元十九年徵拜右贊善大夫初太子真金建學東宮命贊善王恂教近侍子弟至是恂卒命因繼之未幾以母疾請歸俸給一無所受已復召爲集賢學士固辭不起且上書宰相書上朝廷不強致帝聞之嘆曰古有所不召之臣其斯人之徒與越二年卒年僅四十五無子仁宗延祐中追贈容城郡公諡文靖歐陽元嘗作因像贊曰微點之狂而有沂水風雩之樂資由之勇而無北鄙氏姓譜

卷九八

十一九

劉氏

十一

鼓瑟之聲于裕皇之仁而見不可留之四皓以世祖之畧而遇不能致之兩生嗚乎麒麟鳳凰固宇內之不常有也然而一鳴而六典作一出而春秋成則其志不欲遺世而獨往也明矣亦將從周公孔子之後爲往聖繼絕學爲來世開太平者邪所著有四書精要三十卷詩五卷號丁亥集又有靜修集十餘卷及小學四書語錄皆門生故友所定惟易繫辭說乃因病中親筆云

劉良常州萬戶府知事也張士誠圍常州援兵不至遣其子毅賫蠟書浮江間道抵江浙求救未及還而城陷良不屈闔門赴水死者十餘人

劉元謨弋陽知州也蘄寇兵逼州力拒之凡十九日衆皆欲其降元謨大聲曰吾雖死當殺此賊城陷罵賊而死

劉元字秉元蘄州寶坻人始爲黃冠師事青州把道錄傳

其藝非一後從阿尼哥學西天梵相亦稱絕技當世祖時  
凡兩都名剎塑土範金搏換爲佛像出元手者神思妙合  
大下稱之其上都三皇像尤古粹識者謂其造意得三聖  
人之微仁宗兩賜宮女爲妻命以官長其屬行幸必從嘗  
勅元非有旨不許爲人造他神像大都南城作東岳廟元  
造仁聖帝像巍然有帝王之度其侍臣像久之未措手適  
闕秘書圖畫見唐魏徵像巽然曰得之矣非若此莫稱爲  
相臣遽走廟中卽日成之觀者咸嘆異其所作西番佛像  
多秘密人罕得見官至昭文館大學士

**劉聞**字聞庭江西安福人登天歷進士官太常博士改翰  
林編修官宋史成進修撰著春秋通旨容齋文集若干卷  
**劉宣**字伯宣其先潞人也金末避地徙太原自幼喜讀書  
慨然有澄清天下之志宣撫使張德輝至河東一見器重

氏姓譜

卷九八

十一尤

劉氏

十二

荐爲中書省掾暇則往從祭酒許衡講明理學初爲河北  
河南道勸農副使至元中以丞相安童荐起拜吏部尙書  
世祖將伐交趾宣上言極陳利害及再征日本宣又上言  
曰近議復置征東行省再興日本之師此役不息安危繫  
焉唆都建伐占城海牙言平交趾三數年間官民大擾羣  
盜蟬興况日本海洋萬里疆土濶遠非二國可比今次出  
師動衆履險縱不遇風可達彼岸倭國地廣徒衆猥多彼  
兵四集我師無援萬一不利欲發救兵其能飛渡邪帝納  
其言二十五年由集賢學士除南臺御史中丞時江浙行  
省丞相忙古反裨戾縱恣慮臺臣發其奸而忌宣尤甚日  
遣其黨赴建康伺隙臺班皆竦懼陰求自解惟宣屹不爲  
動忙古反怨愈深因羅織宣子逮繫揚州獄又令建康酒  
務淘金等官誣告行臺沮壞錢穀事聞朝廷遣官置獄行

省鞫其狀宣及御史六人俱被逮既登舟行省以軍舡列  
兵衛驅迫之宣不勝憤遂自刎舟中始宣將行時以一緘  
付從子自誠令勿啓及死視其書云觸怒大臣誣構成罪  
豈能與經斷小人交口辯訟屈膝爲容于怨家之前身爲  
臺臣義不受辱當自引決但不獲以身殉國爲恨且別有  
遺稿具言忙古歹罪狀塗注勾抹辭句難辨前治書侍御  
史霍肅爲敘次其文讀者悲惋宣既死行省白于朝謂知  
罪重自殺前後構成其事者郎中張斯立也延祐四年從  
子自持上宣行寔御史臺以聞追封彭城郡公諡忠憲

劉琦岳州臨湘人生二歲母遭亂陷于兵琦獨事其父稍  
長思母不置常嘆曰人皆有母我獨亡及冠請于父往求  
其母遍歷河南北淮東西數歲不得後求得于池州之貴  
池迎以歸養閱十八年而母始歿

氏姓譜

卷九八

十五

劉氏

十三

劉通亳州譙縣人母目失明通誓斷酒肉祈禱三十年母  
年八十五目忽明聞者異之

劉德遼陽人父娶後妻德事之如所生家貧傭工取直寸  
錢尺帛不以私四弟并後出德撫愛頗篤年五十未娶稱  
貸得錢先爲弟求婦一門藹然鄉里稱爲劉佛子

劉信甫揚州曹氏奴也氏死遺一孤其叔訴于府曰某家  
賢悉爲姪據守察其詐直之叔之子乃毒父而復于府曰  
弟挾怨殺吾父適達魯花赤禡禡火者初至將扣使誣服  
信甫密送孤至京師自赴郡廷曰殺人者我也主寔不知  
既鍛鍊無完膚辭不二後孤叩蹕得脫歸筭償獄訟道里  
費曰奴之富主翁蔭也力辭不受

劉詭字桂翁吉安廬陵人幼失父知自樹立旣冠重厚醇

雅素以師道自居教學者有法聲譽日隆江南行臺屢以

遺逸薦不就爲文根柢六經躡蹠諸子百家融液今古而不露其踴厲風發之狀四方求詩文者踵其門所著有桂隱集順帝至正十年卒年八十三賜諡文敏

劉岳申字高伸與劉詵齊名用荐者以岳申爲遼陽儒學副提舉不就

劉天孚字裕民大名人由中書譯史歷知許州許屬襄城與葉縣接壤其南爲湛河襄民食滄鹽葉民食解鹽刻石河南岸爲界葉令有貪者陰徙石于北二里誣其民食私鹽逮治百餘家兩縣鬪辨不已天孚爲考其原界移石故處而葉令被罪去歲早蝗天孚令民出捕俄羣鳥來啄蝗爲盡及秋麥熟時有青虫如蝨食麥民相視愁嘆忽生大華蟲盡嚼之許人立碑頌其事仁宗延祐中遷知河中府視事甫兩月會丞相阿思罕意不平謀舉兵向闕先入河氏姓譜

卷九八

十九

劉氏

古

中坐府治方號令諸軍天孚佩刀直前衆遏之不得進顧謂幕僚曰吾家本微賤荷朝命至此今不幸遭大變何忍從逆而負上恩哉且與其辱于逆賊之手吾寧蹈河以死遂拂衣出時天寒河水方堅天孚拔所佩刀研冰開北望再拜已脫衣帽岸許竟投水中死追贈彭城郡侯諡忠毅劉友益字樂三永新人宋亡卜築萬山間杜門不與世接者通鑑綱目書法五十九卷研精覃思歷三十年而後成揭傒斯稱之曰百世而下先生此心先生不作高山水深劉濬字濟川其先興州人曾祖海金進士第一仕至河南府尹死國難子孫遂家河南濬由廉訪司書吏授連江縣寧善鄉巡檢至正十三年蘄州賊帥王善寇閩官軍守羅源拒之羅源與連江接壤勢將迫濬妻真定史氏故相家女也有才識謂濬曰事急矣盡出奩中物募壯士百餘人

命仲子健將之浹旬間衆至盈萬賊尋破羅源分道攻福州瀆拒之辰山三戰三捷俄聞福州陷衆驚潰瀆獨率健馬健下馬掖父俱被獲瀆忿戟手大罵賊縛階下先斫一指罵益厲再斫一指亦如之指且盡斫兩腕次及兩足瀆色不少變遂割其喉舌死健亦以死拒賊善義之使斂父屍瘞焉健歸請兵帥府以復仇弗聽乃散家貲結死士百人詐爲工商流丐入賊中夜半發火大譟賊驚擾自相屠戮健手亦其殺父者并擒善獻帥府磔之事聞授健古田縣尹爲瀆立祠福州北門外有司歲時致祭

劉畊孫字存吾茶陵州人文宗至順元年進士授臨武縣尹縣近蠻獠畊孫至召父老告之曰吾儒士也今爲汝邑尹爾父老當體吾意訓子弟以孝弟力田暇則事詩書勿

氏姓譜

卷六

十一

劉氏

五

自棄以干吾政乃爲建學校求民間俊秀教之設俎豆習禮讓期年文化大興歷建德徽州瑞州三路推官所至詳獻疑獄清政卓然可紀至正十二年斲黃賊破湖南畊孫傾家貲募義丁以援鄉里賊至輒却故茶陵久不失守十五年轉寧國路推官歲飢勸富民出粟賑之活人以萬計長鎗軍瑣南班等攻寧國畊孫分守城西南日署府事夜率兵乘城固守賊引衆緣堞而上城陷力戰遇害弟燾孫字養吾以國學生下第授常寧州學正湖南陷長吏棄城走民奉州印請燾孫爲主城賴以完者一年外援旣絕死之長子碩爲江夏縣魯湖大使起義兵援茶陵亦死

劉辰翁字會孟廬陵人補宋太學生廷試因言濟邸無後可勸忠良殘害可傷風節不競可憾忤賈似道意置丙第遭亂隱居求道著須溪文集子尚友克世其家吳澂評其



父子之文謂辰翁奇詭變化尙友浩瀚演迤皆能以成一  
家言

劉應龜義烏人自少潛心義理之學每以古人自期宋咸  
淳間遊太學丞相馬驥高其才將以女妻之堅不允由是  
名稱藉甚至元初起爲月泉書院山長升杭州學正所著  
有夢稿癡稿聽雨留稿共二十卷

劉彭壽字壽翁辟衡山縣教諭樂士習之美遂家焉父淵  
字學海以春秋三領全蜀鄉解仕永州學正彭壽得其家  
傳亦以是經成進士著春秋正經句釋及春秋澤存皆衍  
父書而作

劉瑾字公瑾安城人博洽經史著詩傳通釋二十卷采錄  
各經傳及諸儒所發要義考求世次源流至明且備明永  
樂中胡廣等攘其書爲大全惟將原本愚按二字更作安

氏姓譜

卷九

十一

劉氏

六

城劉氏云

劉整字宋舉古田人自稱蒙谷遺老教生徒百餘人少從  
合沙鄭少祺學易傳六十四卦圖說及春秋元經著易纂  
圖一卷甫就而卒

劉霖字雨蒼安福人博通五經元季寇陷城邑乃避地泰  
和學者師尊之性耿介不隨世俯仰有大極圖解易本義  
童子說四書纂釋杜詩類註等稿

劉慶字熙載威州洛水人祖肅金詞賦進士爲新蔡令有  
循聲金亡依東平嚴實辟左司員外郎東平歲賦絲銀復  
輸綿十萬兩色絹萬匹民不能堪肅請于實奏罷之世祖  
居潛邸以肅爲刑州安撫使至則興鐵冶以足園用造楮  
幣以通民貨公私賴焉遷右三部尙書嘗集諸家易說名  
曰讀易備忘以年老致仕卒諡文憲慶幼有文名至元十

三年薦授國史院編修官辟司徒府長史由太常博士拜  
監察御史時中丞崔彧好盛氣待人他御史拜謁皆平受  
獨見廢則待以上賓禮成宗大德中遷翰林直學士武宗  
至大二年拜禮部尚書兼翰林學士承旨國子祭酒國學  
故事伴讀生以次出補吏莫不爭先有一生親老且貧同  
舍生有名在前者因博士以告曰我齒頗少願讓之先廢  
曰讓德之恭也從之別爲書荐其人反得先用自是六館  
之士皆知讓爲美德仁宗皇慶中除集賢大學士復入翰  
林爲承旨泰定元年集議上尊號廢獨抗言不可事遂已  
卒年八十一賢久典文翰以耆年宿德爲六朝所推重云  
劉敏中字端甫濟南章邱人幼卓犖不凡年十三語其父  
景石曰昔賢足于學而不求知豐于功而不自衒此後人  
所弗逮也父奇之嘗與同儕言志曰自幼至老相見而無  
氏姓譜

卷八

十九

劉氏

十七

愧色此吾志也世祖至元中由兵部主事拜監察御史桑  
哥秉政敏中劾其奸邪不報遂辭歸既而起爲御史臺都  
事時同官王約以言去敏中杜門稱疾久之遷翰林直學  
士兼國子祭酒成宗大德初有暴風星芒之變敏中論事  
之本政之先其畧有七曰畏天敬祖清心持體更化察吏  
治除民害詔遣宣撫使巡行諸道敏中出使遼東嘗以法  
繩貴倖發廩賑災民被寔惠累擢集賢學士商議中書省  
事上疏陳十事曰整朝綱省庶政進善良剔奸蠹顯公道  
杜私門廣恩澤寔鈔法嚴武備舉封贈武宗嗣位召至上  
京庶政多所更定加皇太子贊善仍商議省事歷翰林學  
士承旨延祐五年卒于家追封齊國公諡文簡爲文理備  
詞明有中庵集二十五卷

劉以忠字恕夫湯陰人劉福通侵河北以忠避地林縣鹿

嶺山羣盜襲得之欲推爲主擁坐磐石上衆卒羅拜于前以忠曰我書生也不能爲國討賊反附之乎遂以頭觸石血流滿面賊度其志終不改刺殺之

**劉廷讓**大寧武平人至順初上都兵起民被殺掠廷讓挈家避山谷有幼弟方乳母納之懷中兵至廷讓棄已于一手抱幼弟一手扶母疾驅得免及歸途視已子亦幸無恙劉德泉汴梁杞縣人早喪母父榮再娶生二子俱幼德泉力撫之及繼母卒益相友愛至元末歲飢父欲使析居德泉泣止不能得各受其業以去久之父卒兄弟相約同爨和好如初

劉亨安范陽人後遷遼東木華黎經畧遼東兄世英率族黨隸麾下分兵收燕趙雲朔以功充行軍副總管世英曰自古建國以民爲本今河東殺掠殆盡異日我師復來孰氏姓譜

卷九

十五

劉氏

十八

給轉輸收存恤亡此其時也木華黎善之授絳州節度使卒于師無子命其族兄德行襲金將攻絳州城陷德行死焉亨安領其衆從大軍渡河克鳳翔歷秦隴屯渭陽已出階城沿漢抵鄧會大軍于鈞州敗金兵于三峯山遂克蔡州旣而宋兵二十萬攻汴將趨洛元帥塔察兒俾亨安往拒遇于龍門北橫槊躍馬突前宋師奔潰追擊百餘里塔察兒拊其背曰真驍將也及元帥塔海征巴蜀攻散關破劍門出奇制勝戰功居多進圍成都亨安爲先鋒大破之有喬長官者素與亨安爭功未幾攻城喬爲礮所傷亨安負之以出喬感愧軍中所獲金帛悉推與將佐故士卒咸樂爲用襲官十四年而卒

劉斌山東歷城人少有勇力從濟南張榮起兵爲管軍于戶從攻河南以功授中翼都統攻睢陽軍次杏堆距陳州

七十里聞陳整軍于近郊斌率衆夜破之又擊走太康守兵擒其將三口太康陷榮言于主帥曰太康之平摧其鋒者斌也移屯襄陽軍乏食斌知青陵多積穀前沮大澤水深不可涉衆難之斌曰彼恃險不我虞取可必也乃率百騎夜發前行汙澤中遇敵至斌舍馬揮槊突前敗之得其糧數千斛從攻六安先登破其城累官濟南新舊軍萬戶移鎮邳州宋將憚之病作謂其子曰居官當廉正自守毋黷貨以喪身敗家語畢而逝追封彭城郡公諡武莊

劉思敬斌之子也襲千戶世祖南征從攻臺山寨先登中流矢傷甚帝親勞賜酒至元八年投西川副統軍宋嘉定守臣咎萬壽乘虛攻成都邀擊之戰于青城宋兵大敗奪所俘二千人還攻克嘉定瀘敘忠涪諸郡及籌勝龜雲石筍等寨十九族西南彝五十六部悉來降瀘州復叛思敬

氏姪譜

卷九

十九

劉氏

十九

妻子沒焉乃率兵討之擒其將任慶攻破盤山寨俘九千餘戶遂復瀘州蜀平拜四川川北道宣慰使卒封濱國公諡忠肅

劉恩字仁甫其先洛水人後徙威州幼讀書勇而有謀以材武隸軍籍累功爲管軍總管從入蜀宋將以戰船五百艘載甲士三萬人夾江上游先遣萬人據雲頂山欲取漢州恩率千人渡江與戰殺其將二人士卒三千餘人授成都路管軍副萬戶從平章賽典赤攻嘉定過九頂山與宋軍遇生擒其部將十八人械送京師從皇子西平王也速帶兒征建都蠻恩將游兵爲先鋒師次其地一日三戰皆捷時師久駐食且盡恩畫策招諭沿江諸蠻得糧三萬石牛羊二萬頭士氣益振建都因山爲城山有七巔恩奪其五斷其汲道蠻窮蹙乃降入朝升管軍萬戶戍眉州尋移

成嘉定安西王遣使召恩至六盤山問曰江南已平四川未下奈何恩曰若以重臣之不徇私者奉詔督責之則半年可下矣王卽遣恩乘傳以聞帝以爲然命丞相不花等行樞密院于西川授恩同僉院事十五年重慶降宋將張萬走夔府以兵固守不花遣恩招之萬以城降旬月間得大小州邑六十四擢四川西道宣慰使率軍萬人征幹端進都元帥師次甘州奉詔留屯田得粟二萬餘石已進兵幹端海都將迎戰恩設伏以待大敗之海都又遣八把率衆三萬來侵恩以衆寡不敵全師而還踰年卒

**劉秉忠**字仲晦初名侃後從釋氏名子聰其先瑞州人世仕遼爲官族會大父仕金爲邢州節度副使因家焉子聰生而風骨不凡年十七補府令史居恒鬱鬱不樂一日慨然投筆曰吾家累世衣冠乃汨沒爲刀筆吏乎丈夫不遇

氏姓譜

卷九八

二十九

劉氏

三十一

于世當隱居求志耳卽棄去隱武安山谷間尋爲僧于天寧寺初憲宗以僧海雲掌釋教事世祖在潛邸遣人名之海雲邀子聰與俱入見屢承顧問子聰于書無所不讀尤邃于易及邵氏經世書至天文地理律歷三式六壬遁甲之屬無不精通論天下事如指掌世祖悅之遂留贊大計後奔父喪歸賜金爲葬具服除被召赴和林上書數千言書奏甚見嘉納又言邢州萬餘戶兵興以來不滿數百凋壞特甚誠得良牧守如真定張耕洛水劉肅者治之猶可完復朝廷卽以耕爲邢州安撫使肅副之由是流民復業從征大理雲南在軍中數年每贊以天地之好生王者之神武不殺故克城之日未嘗妄戮一人世祖卽位問以治天下之大經養民之良法子聰采祖宗舊典參以古制之宜于今者條列以聞是時于聰雖日居左右而猶不改舊

服時人稱爲聰書記至元二年翰林學士王鶚奏言子聰侍藩邸積有歲年忠勤久著且當此聖明御極萬物惟新而子聰猶仍野服散號深所未便帝覽奏卽日拜太保參預中書省事復劉氏賜名秉忠以待讀學士竇默女妻之初憲宗欲建城市修宮室爲都會之所秉忠以恒州東灤水北之龍岡爲吉詔秉忠營之名開平府繼升爲上都而以燕京爲中都八年奏建國號曰大元又以中都爲大都他如頒章服立朝儀給俸祿定官制一代成憲皆其所裁定十一年扈從至上都其地有南屏山嘗築精舍居之秋八月無疾端坐而逝年五十九帝聞驚悼出內府錢具棺斂遣官護其喪還葬追封趙國公諡文貞秉忠自幼好學垂老不衰雖貴顯齋居蔬食澹然不異往昔每以吟詠自娛其詩蕭散閑淡類其人有藏春散人集十卷無子以弟

氏姓譜

卷九入

十无

劉氏

二一

秉恕子蘭璋後

劉秉恕字長卿弱冠受易于劉肅遂明理學方秉忠事世祖時以荐士自任而嫌于私親獨不及弟左右以聞得名見同侍潛邸嘗賜秉忠白金千兩辭曰臣山野鄙人僥倖遭際服器悉出尙方金無所用世祖曰卿獨無親故遺之邪乃受而散之以二百金與秉恕辭曰兄勤勞有年宜蒙茲賞弟無功可冒恩乎終不受仕至湖州平陽兩路總管劉正字清卿青州人讀書習吏事初辟戶部令史世祖至元八年罷諸路轉運司立局考核逋欠大都轉運司負課銀五百餘錠運使四人皆被逮及覈本路歲入籍寔無負故獄久不決正知其寃乃遍閱吏牘得至元五年李介甫領讓文契七教適相符驗字蹟皆司庫辛德柔書卽白尙書捕鞠之辛具服盡償所負課四人得釋正由是知名轉

樞密院令史辟掾中書十四年分省上都會諸王昔里吉  
叛行至居庸關守者告前有警使姑退正曰職當進而退  
可乎遂馳出關抵上都邊將請黃白金符充戰賞中書遽  
檄工部造給未及上請帝怒其欺罔正曰軍賞貴速先給  
符而後請命臣未見其罪也帝釋然尋擢左司都事時阿  
合馬當國與江淮省官阿里崔斌有隙誣盜官粮四十萬  
命刑部尙書李于忠與正同按其事獄弗具復遣北京叅  
政張澍等雜治竟置二人于死正乃移疾歸阿合馬敗逮  
正至坐以黨正曰臣未嘗阿附惟法是從耳會曰暮帝起  
還內正械繫關東隙地踰數日復移寘拱衛司丞相和禮  
霍孫曰上嘗謂劉正衣白衣行炭穴十年可謂廉潔者矣  
得免歸成宗大德初累遷雲南左丞時方議征緬正力阻  
之不得師出果無功雲南歲供金銀故事遣官往徵耗費

氏姓譜

卷八

十一

劉氏

三

率數倍民以爲苦正請給官秤命土官詣省自輸納其弊  
頓革武宗卽位入爲中書左丞會立尙書省力辭還家仁  
宗初召諸老臣入議國事正詣闕言入事曰守成憲重省  
臺辨邪正貴名爵正官符開言路慎賞罰節財用詔集議  
行之累乞致仕不許拜平章政事時大旱臺臣言燮理非  
人平章李孟引咎丐罷平章忽都不丁曰臺臣不能明察  
奸邪譏議朝政可還詰之正曰省臺一家當同心獻替擇  
善而行豈容紛出異見孟頷之竟如忽都不丁言有旨廉  
訪司權太重故按事失寔自今不許專決六品以下官李  
孟將議行正言但當擇人法不可易事遂寢延祐六年卒  
追封趙國公謚忠宣

劉暉至正間上海縣尹明辨文雅恢然有牧馭才興學校  
平徭役敦禮義杜私謁民風遂變隣縣亦刻石頌德

劉傑直陽縣尹出已錢募民生理每月收利三分以濟逋租縣人吳得常得彭爭田久不決傑諭之二人感泣遂不復爭三年之間教化大行

劉石田茶陵人至順中為潭州賓幕值灾荒出官廩羨餘賑粥全活甚眾至元中主永興簿建大小海洞橋繕便江三渡民利涉焉既歸立義倉貸其宗族

劉朝端茶陵人至正間拜翰林學士方正嗜學多所建白也先帖木兒贊其像曰選居粉署觀國之光鞠躬盡瘁羽翼朝綱

劉子平鄧州人博學尚氣兄弟五人同居共爨力農厚俗凡喪葬祭禮悉依文公家禮鄉人化之以為矜式名重于士林俱登上壽

明

氏姓譜

卷九八

二十九

劉氏

二三

劉基字伯溫青田人曾祖濠仕宋為翰林掌書宋亡邑子林融倡義旅事敗元遣使簿錄其黨多連染使道宿濠家濠醉使者而焚其廬籍悉毀使者計無所出乃為更其籍連染者皆得免基幼穎異其師鄭復初謂其父煥曰君祖德厚此子必大君之門矣元至順間舉進士除高安丞有廉直聲行省辟之謝去起為江浙儒學副提舉論御史失職為臺臣所阻再投劾歸基博通經史于書無不窺尤精象緯之學西蜀趙天澤論江左人物首稱基以為諸葛孔明儔也方國珍起海上掠郡縣有司不能制行省復辟基為元帥府都事基議築慶元諸城以逼賊國珍氣沮及左丞帖里帖木兒招諭國珍基言方氏兄弟首亂不誅無以懲後國珍懼厚賂基基不受國珍乃使人浮海至京賄用事者遂詔撫國珍授以官而責基擅威福羈管紹興方氏



遂愈橫亡何山寇蜂起行省復辟基勦捕與行院判石抹宜孫守處州經畧使李國鳳上其功執政以方氏故抑之授總管府判不與兵事基遂棄官還青田著郁離子以見志時避方氏者爭依基基稍爲部署冠不敢犯及太祖下金華定括蒼聞基及宋濂等名以幣聘基未應總制孫炎再致書固邀之基始出既至陳時務十八策太祖大喜築禮賢館以處基等寵禮甚至初太祖以韓林兒稱宋後遙奉之歲首中書省設御座行禮基獨不拜曰牧豎耳奉之何爲因見太祖陳天命所在太祖問征取計基曰張士誠自守虜不足慮陳友諒劫主脅下名號不正地據上流其心無日忘我宜先圖之陳氏滅張氏勢孤一舉可定然後北向中原王業可成也太祖大悅曰先生有至計勿惜盡言會陳友諒陷太平謀東下勢張甚諸將或議降或議奔

氏姓譜

卷九八

十五

劉氏

二四

據鍾山基張目不言太祖名入內基奮曰主降及奔者可斬也太祖曰先生計安出基曰賊驕矣待其深入伏兵邀取之易耳天道後舉者勝取威制敵以成王業在此舉矣太祖用其策誘友諒至大破之以克敵賞賞基基辭友諒兵復陷安慶太祖欲自將討之以問基基力贊遂出師攻安慶自旦及暮不下基請逕趨江州擣友諒巢穴遂悉軍西上友諒出不意帥妻子奔武昌江州降其龍興守將胡美遣子通欵請勿散其部曲太祖有難色基從後蹋胡牀太祖悟許之美降江西諸郡皆下基喪母值兵事未敢言至是請還葬會苗軍反殺金處守將胡大海耿再成等浙東搖動甚至衢爲守將夏毅諭安諸屬邑復與平章郅榮等謀復處州亂遂定國珍素畏基致書唁基答書宣示太祖威德國珍遂入貢太祖教以書帥家訪軍國事基條答

悉中機宜尋赴京太祖方親援安豐基曰漢吳伺隙未可動也不聽友諒聞之乘間圍洪都太祖曰不聽君言幾失計遂自將救洪都與友諒大戰鄱陽湖一日數十接太祖坐胡牀督戰基侍側忽躍起大呼趣太祖更舟太祖倉卒徙別舸坐未定飛礮擊舊所舸舟立碎友諒乘高見之大喜而太祖舟更進漢軍皆失色時湖中相持三日未決基請移軍湖口扼之以金木相犯日決勝友諒走死其後太祖取士誠北伐中原遂成帝業畧如基謀吳元年以基爲太史令上戊申大統歷熒惑守心請下詔罪已大旱請決滯獄卽命基平反再隨注因請立法定制以止濫殺太祖方欲刑人基請其故太祖語之以夢基曰此得土得衆之象宜停刑以待後三日海寧降太祖喜悉以囚付基縱之尋拜御史中丞兼太史令太祖卽皇帝位基奏立軍衛法

氏姓譜

卷九八

十九

劉氏

五

初定處州稅糧視宋制畝加五合惟青田命無加日令伯溫鄉里世世爲美談也帝幸汴梁基與左丞相李善長居守基謂宋元寬縱失天下今宜肅紀綱令御史糾劾無所避宿衛宦侍有過者皆啓皇太子置之法人憚其嚴中書省都事李彬坐貪縱抵罪善長素暱之請緩其獄基不聽馳奏報可方祈雨卽斬之由是與善長忤帝歸愬基僂入壇壝下不敬諸怨基者亦交譖之會以旱求言基奏士卒物故者其妻悉處別營凡數萬人陰氣鬱結工匠死齟齬暴露吳將吏降者皆編軍戶足于和氣帝納其言旬日仍不雨帝怒會基有妻喪遂請告歸時帝方營中都又銳意滅擴廓基瀕行奏曰鳳陽雖帝鄉非建都地王保保未可輕也已而定西失利擴廓竟走沙漠迄爲邊患其冬帝手詔敘基勳伐名赴京賜賚甚厚追贈基祖父皆永嘉郡公

累欲進基爵基固辭不受初太祖以事責丞相李善長基言善長勳舊能調和諸將太祖曰是教欲害君君乃爲之地耶吾行相君矣基頓首曰是如易柱須得大木若束小木爲之且立覆及善長罷帝欲相楊憲憲素善基基力言不可帝問汪廣洋曰此福淺殆甚于憲又問胡惟庸曰譬之駕懼其僨轅也帝曰吾之相誠無逾先生基曰臣疾惡大甚又不耐繁劇爲之且孤上思天下何患無才惟明主悉心求之目前諸人誠未見其可也後憲廣洋惟庸皆敗三年授宏文館學士十一月大封功臣授基開國翊運守正文臣資善大夫上護軍封誠意伯祿二百四十石明年賜歸老于鄉帝嘗手書問天象基條答甚悉而焚其草大要言霜雪之後必有陽春今國威已立宜少濟以寬大基佐定天下料事如神性剛嫉惡與物多忤至是還隱山中

氏姓譜

卷九八

十九

劉氏

二六

惟飲酒奕棋口不言功邑令求見不得微服爲野人謁基基方濯足令從子引入蒔舍炊黍飯令告曰某青田知縣也基驚起稱民謝去終不復見其鞞跡如此未幾惟庸相基大感曰使吾言不驗蒼生福也憂憤疾作八年三月帝親製文賜之遣使護歸抵家疾篤以天文書授子璉曰亟上之母令後人習也又謂次子璟曰夫政寬猛如循環當今之務在修德省刑祈天永命居一月而卒年六十五基在京病時惟庸以醫來飲其藥有物積腹中如拳石其後中丞涂節首惟庸逆謀并謂其毒基致死云基虬髯貌修偉慷慨有大節論天下安危義形于色帝察其至誠任以心膂每召基輒屏人密語移時基亦自謂不世遇知無不言遇急難勇氣奮發計畫立定人莫能測服則敷陳王道帝每恭己以聽常呼爲老先生而不名曰吾子房也又

日數以孔子之言導予顧帷幄語秘莫能詳而世所傳爲神奇多陰陽風角之說非其至也所爲文章氣昌而奇與宋濂并爲一代之宗所著有覆瓿集犁眉公集傳于世

劉璉字孟藻基長子也有文行洪武十年授考功監丞試監察御史出爲江西參政太祖常欲大用之爲惟庸黨所脅墮井死璉子薦字士端洪武二十四年三月嗣伯食祿五百石初基爵止及身至是帝追念基功又憫基父子皆爲惟庸所厄命增祿予世襲明年坐事貶秩歸里洪武末坐事戍甘肅尋赦還建文帝及成祖皆欲用之以奉親守墓力辭永樂間卒子法停襲景泰初命錄基後授法曾孫祿世襲五經博士宏治十三年以給事中吳士偉言乃命祿孫瑜爲處州衛指揮使正德九年加贈基太師諡文成劉璉字仲璉基次子也弱冠通諸經太祖念基每歲名璉

氏姓譜

卷九八

十五

劉氏

二七

同章溢子允載葉琛子永道胡深子伯機入見便殿燕語如家人洪武二十三年命襲父爵璉言有長兄子薦在帝大喜命薦襲封以璉爲閣門使且諭之曰考宋制閣門使卽議禮司朕欲汝日夕左右以宣達爲職不特禮儀也帝臨朝出侍班百官奏事有關遺者隨時糾正都御史袁泰奏車牛事失寔帝宥之泰忘引謝璉糾之服罪帝因諭璉凡似此者卽面糾朕雖不之罪要令知朝廷綱紀已復令同法司錄獄囚寃滯谷王就封擢爲左長史璉論說英侃喜談兵初温州賊葉丁香叛延安侯唐勝宗討之決策于璉破賊還稱璉才畧帝喜曰璉真伯溫兒矣嘗與成祖奕成祖曰卿不少讓耶璉正色曰可讓處則讓不可讓者不敢讓也成祖默然靖難兵起璉隨谷王歸京師獻十六策不聽令叅李景隆軍事景隆敗璉夜渡盧溝河水裂馬陷

冒雪行三十里子猶自大同赴難遇之良鄉與俱歸上聞見錄不省遂歸里成祖卽位名璟稱疾不至逮入京猶稱殿下且云殿下百世後逃不得一篡字下獄自經死法官希旨緣坐其家成祖以基故不許宣德初授猶刑部照磨劉仲質字文質分宜人洪武初以宜春訓導荐入京擢翰林典籍奉命校正春秋本末十五年拜禮部尙書命與儒臣定釋奠禮頒行天下學校每歲春秋仲月通祀孔子如儀時國子學新成帝將行釋菜侍臣有言孔子雖聖人臣也禮宜一奠再拜帝曰昔周太祖如孔子廟左右謂不宜拜周太祖曰孔子百世帝王師何敢不拜今朕有天下敬禮百神于先師禮宜加崇乃命仲質詳議仲質請帝服皮弁執圭詣先師位前再拜獻爵又再拜退易服乃詣彝倫堂命講庶典禮隆重詔曰可又立學規十二條合欽定九

姓氏譜

卷九

十五

劉氏

二

條頒賜師生已復奉命頒劉向說苑新序于學校令生員講讀是年冬改華蓋殿大學士帝爲親製語文坐事貶御史後以老致仕仲質爲人厚重篤寔博通經史文體典確常當帝意焉

劉三吾茶陵人初名如孫以字行兄耕孫燾孫皆仕元耕孫寧國路推官死長槍賊難燾孫常寧州學正死獠寇三吾避兵廣西行省承制授靖江路儒學副提舉明兵下廣西乃歸茶陵洪武十八年以茹瑺荐召至年七十三矣奏對稱旨授左贊善累遷翰林學士時天下初平典章闕畧帝銳意制作宿儒凋謝得三吾晚悅之一切禮制及三場取士法多所刊定三吾博學善屬文帝製大誥及洪範注成皆命爲序勅修省躬錄書傳會選寰宇通志禮制集要諸書皆總其事賜資甚厚帝嘗曰朕觀奎壁間嘗有黑氣

今消矣文運其興乎卿等宜有所述作以稱朕意帝製詩  
時令屬和嘗賜以朝鮮玳瑁筆朝參俞列侍衛前燕享賜  
坐殿中與汪叔朱善稱三老既而三吾年日益老才力日  
益減往往忤意禮遇日漸輕二十三年授晉世子經吏部  
侍郎侯庸劾其怠職降國子助教尋還職三吾爲人慷慨  
不設城府自號坦坦翁至臨大節屹乎不可奪懿文太子  
薨帝御東閣門名對羣臣慟哭三吾進曰皇孫世嫡承統  
禮也太孫之立由此戶部尙書趙勉者三吾婿也坐賍死  
三吾引退許之未幾復爲學士三十年偕紀善自信蹈等  
主考會試榜發泰和宋琮第一北士無預者于是諸生言  
三吾等南人私其鄉帝怒命侍講張信等覆閱不稱旨或  
言信等故以陋卷呈三吾等寔屬之帝益怒信蹈等論死  
三吾以老戍邊琮亦遣戍帝親賜策問更擢六十一人皆

氏姓譜

卷八

十一元 劉氏

元

北士時謂之南北榜又曰春夏榜云建文初三吾名還久  
之卒琮起刑部檢校

劉淳南陽人洪武末爲原武訓導周王聘爲世子師尋言  
于朝補右長史以正輔王端禮門槐盛夏而枯淳陳咎徵  
進戒王用其言修省枯枝復榮王旌其槐曰據忠致任十  
餘年而卒年九十有七

劉崧字子高泰和人舊名楚家貧力學寒無爐火手皸裂  
而鈔錄不輟元末舉于鄉洪武三年舉經明行修改今名  
名見奉天殿授兵部職方司郎中奉命徵糧鎮江鎮江多  
勦臣田租賦爲民累崧力請得少減遷北平按察司副使  
輕刑省事招集流亡民咸復業立文天祥祠于學宮之側  
勒石學門示府縣勿以徭役累諸生嘗請減僻地驛馬以  
益宛平帝可其奏爲胡惟庸所惡坐事謫輸作尋放歸十

三年惟庸誅徵拜禮部侍郎未幾擢吏部尚書雷震謹身殿帝延諭羣臣陳得失崧頓首以修德行仁對尋致仕明年三月與前刑部尚書李敬并徵拜敬國子祭酒而崧爲司業賜鞍馬令朝夕見見輒燕語移時未旬日卒疾作猶強坐訓諸生及革敬問所欲言曰天子遣崧教國子將責以成功而遽死乎無一語及家事帝命有司治殯殮親爲文祭之崧幼博學天性廉慎兄弟三人共居一茆屋有田五十畝及貴無所增益十年一布被鼠傷始易之仍葺以衣其子居官未嘗以家累自隨之任北平攜一童往至則遭暹暭時吏退孤燈讀書往往達旦善爲詩豫章人宗之爲江西派云

劉敏肅寧人舉孝廉爲中書省吏嘗暮市蘆龍江旦載于家俾妻織蓆鬻以奉母而後入治事性廉介或遺之資瓦

氏姓譜

卷九八

十九

劉氏

三十

器亦不受爲楚相府錄事中書以沒官文婦給文臣家衆勸其請給以事母敏固辭曰事母子婦事何預他人及省臣敗吏多坐誅敏獨無所預帝賢之擢工部侍郎改刑部出爲徽州府同知有惠政卒于官

劉仕猷字伯貞安福人父開元末隱居不仕仕猷少受父學紅巾賊亂掠其鄉母張氏率羣婦女沉茨潭死賊械仕猷久之得釋洪武初以供役爲安福丞張禧所辱仕猷憤益力學十五年應賢良舉對策稱旨授廣東按察司僉事分司瓊州瓊俗善蠱上官至輒致所產珍貨爲贄受則喜不受則懼按治蠱殺之仕瓊者多爲所汙仕猷廉且惠輕儒理枉大得民和雖却其贄夷人不忍害也辱仕猷者張禧適調丞瓊山以屬吏謁大慚怖仕猷待之與他吏等未幾朝議省僉事官例降東莞河洎使渡河遇風没于水同

寮張仕祥葬之鴉磯

劉季篋名韶以字行餘姚人洪武中進士隸行人使朝鮮却其餽膳帝聞賜衣鈔擢陝西參政陝有逋賦有司峻刑督民不能輸季篋至與其寮分行郡縣悉縱械者緩爲期民感其德悉完納陝不產硎砂而歲有課季篋言于朝罷之洪渠水溢爲治堰蓄洩遂爲永利建文中名爲刑部侍郎民有爲盜所引者逮至盜已死乃名盜妻子使識之聽其辭誣也釋之吏虧官錢誣千餘人悉爲辨免河陽逆旅朱趙二人異室寢趙被殺有司疑朱殺之考掠誣服季篋獨曰是非夙仇且其裝無可利緩其獄竟得殺趙者揚州民家盜夜入殺人遺刀屍傍刀有記識其隣家也官捕鞠之隣曰失此刀久矣不勝掠誣服季篋使人懷刀就其里潛察之一童子識曰此吾家物盜乃得永樂初纂修大典

氏姓譜

卷九八

十一九

劉氏

三一

命姚廣孝解縉及季篋總其事八年坐失出下獄請外任遂巡未行復下獄久之始釋命以儒服隸翰林院編纂尋授工部主事卒于官

劉辰亨伯靜金華人明初以署典簽使方國珍國珍飾二姬以進叱却之李文忠駐師嚴州辟置幕下元帥葛俊守廣信盛冬發民浚城濠文忠止之不聽文忠怒欲臨以兵辰請往諭之俊悔謝事遂已以親老辭歸建文中用荐擢監察御史出知鎮江府勤于職事瀕江田八十餘頃久淪于水賦如故以辰言得除京口闡廢轉漕者道新河出江舟數敗辰修故閘公私皆便漕河易涸仰練湖益水三斗門久廢辰修築之運舟旣通湖下田益稔永樂初李景隆言辰知國初事召至預修太祖寔錄遷江西布政司參政奏蠲九郡荒田糧歲飢勸富民貸粃者蠲其徭役以爲之



息官爲立券期年而償辰居官廉勤尙氣與都可按察使  
不相得數爭坐免官十四年起刑部左侍郎復留南京者  
三年帝念其老賜勅及鈔幣令致仕卒于途年七十八  
劉儼字宣化正統七年進士第一歷官太常少卿景泰中  
典順天鄉試黜大學士陳循王文子幾得危禍天順初改  
掌翰林院事卒官贈禮部侍郎諡文介儼立朝正直居鄉  
亦有令德云

劉儁字子士江陵人洪武十八年進士除兵部主事歷郎  
中遇事善剖決爲帝所器二十八年擢右侍郎建文時爲  
侍中成祖卽位進尙書永樂四年大征安南以儁參贊軍  
務儁爲人纈密勤敏在軍佐畫籌策有功還受厚賚未幾  
簡定復叛儁再出參贊沐晟軍務六年冬晟與簡定戰生  
厥江敗績儁行至大海口颶風作揚沙晝晦且戰且行  
氏姓譜 卷九 二十九 劉氏 三

爲賊所圍自經死洪熙元年三月帝以儁陷賊不屈有司  
不言未加褒卹勅青禮官乃賜祭贈太子少傅諡節愍官  
其子奎給事中

劉榮宿遷人初冒父名江從魏國公徐達戰灰山黑松林  
爲總旗給事燕邸雄偉多智畧成祖深器之投密雲衛百  
戶從起兵爲前鋒屢立戰功狗山東與朱榮帥精騎三千  
夜襲南軍于滑口斬數千人獲馬三千禽都指揮唐禮等  
累授都指揮僉事戰溇沱河奪浮橋掠館陶曹州大獲還  
軍收北平敗平安軍于平村楊文以遼東兵圍永平江往  
援文引却江聲言還北平行二十餘里卷甲夜入永平文  
聞江去復來攻江突出掩擊大敗之斬首數千禽指揮王  
雄等七十一人遷都指揮使從至泚河與白義王真以輕  
騎誘致平安敗之時南軍駐宿州積糧爲持久計成祖患

之議絕其餉道命江將三千人往趨起不行成祖大怒欲斬之諸將叩首請乃免渡江策功以前罪不封止授都督僉事遷中府右都督永樂八年從北征以遊擊將軍督前哨乘夜據清水源敗敵幹難河復敗阿魯台于靖虜鎮師還爲殿卽軍中進左都督遣鎮遼東敵闌入殺官軍帝怒命斬江旣而宥之九年復鎮遼東十二年再從北征仍爲前鋒將勁騎偵敵于飲馬河見敵騎東走追至康哈里孩擊斬數十人復與大軍合擊馬哈木于忽失溫下馬持短兵突陣斬獲多受上賞復充總兵官鎮遼東倭數寇海上北抵遼南訖浙閩瀕海郡邑多被害江度形勢請于金線自西北望海塌築城堡設烽堠嚴兵以待十七年六月瞭者言東南海島中舉火江急引兵赴塌上倭三十餘舟至泊馬雄島登岸奔望海塌江依山設伏別遣將斷其歸路

氏姓譜

卷九八

十九

劉氏

三三

以步卒迎戰倭却賊入伏中礮舉伏起自辰至酉大破賊賊走櫻桃園空堡中江開西壁縱之走復分兩路夾擊盡覆之斬首千餘級生禽百三十人自是倭大創不敢復入遼東詔封廣寧伯祿千二百石予世券始更名榮尋遣還鎮明年四月卒榮爲將常爲軍鋒所向無堅陣馭士卒有紀律恩信嚴明諸款塞者撫輯備至旣卒人咸思之贈侯諡忠武子湍嗣卒無子

劉中敷大興人初名中孚燕王舉兵以諸生守城功授陳留丞擢工部員外郎仁宗監國命署部事賜今名遷江西右參議宣德三年遷山東右參政進左布政使質直廉靜吏民畏懷歲大侵言于巡撫減賦三之二正統改元父憂奪情俄召拜戶部尙書帝冲年踐阼慮羣下欺已治尙嚴而中官王振假以立威屢撫大臣小過導帝用重典大臣

下吏無虛歲三年諷給事御史劾中敷與左侍郎吳璽等  
下獄釋還職六年言官劾中敷專擅詔法司于內廷雜治  
當流許輸贖帝特宥之其冬中敷璽及右侍郎陳璠請以  
供御牛馬分牧民間言官劾其變亂成法并下獄論斬詔  
荷校長安門外凡十六日而釋瓦刺入貢詔問馬駝芻菽  
數不能對復與璽璠論斬繫獄中敷以母病特許歸省明  
年冬當決囚法司以請命璽璠戍邊中敷俟母終具奏已  
釋爲民景帝立起戶部左侍郎兼太子賓客時方用兵論  
功行賞無虛日中敷言府庫財有限宜樽節以備緩急帝  
嘉納景泰四年卒贈尙書中敷性淡泊食不重味仕宦五  
十年家無餘貲

劉實字嘉秀安福人宣德五年舉進士居三年選庶吉士  
正統初授金華府通判仍歲荒早請蠲租且贖還飢民子  
氏姓譜

卷九入

十五

劉氏

三

女義門鄭氏族大不能自給又買馬出丁供山西郵傳困  
甚亦以實言獲免母喪歸廬墓三載起順天府治中景泰  
時侍臣薦其文學召修宋无通鑑綱目實爲人耿介意所  
不可雖達官貴人不稍遜然頗自是見同曹所纂不當輒  
大笑聲徹廷陛人亦以此忌之天順初還原任四年擢知  
南雄府商稅巨萬舊皆入守橐實無所私中官至南雄大  
譖言府僚參謁留實折辱之民競前擁之出中官慙將名  
謝之實不往中官去至韶州聞韶人言南雄守且訟于朝  
矣懼馳奏誣實毀勅大不敬逮下詔獄實從獄中上書言  
臣官三十年未嘗以妻子自隨食糲衣做爲國家愛養小  
民不忍因之以是忤朝使帝覽書意稍解且釋之而實竟  
瘐死實苦節自持政務紛遯未嘗廢書士大夫重其學行  
其沒也南雄人哀而祠之孫丙

劉球字廷振安福人永樂十九年進士家居讀書十年從  
學者甚衆授禮部主事胡濙荐侍經筵與修宣宗寔錄改  
翰林侍講從弟玘知莆田遣一夏布球封還貽書戒之正  
統六年帝以王振言大舉征麓川球上疏曰望陛下罷大  
舉之議推選智謀將帥輔以才識大臣量調官軍分屯金  
齒諸要害結木邦諸蠻以爲援乘間進攻因便撫諭尅自  
可服章下兵部謂南征已有成命不用球言八年五月雷  
震奉天殿球應詔上言所宜先者十事疏入下廷議言球  
所奏惟擇太常官宜從令吏部推舉修撰董璘遂乞改官  
太常奉享祀事初球言麓川事振固已銜之欽天監正彭  
德清者球鄉人也素爲振腹心凡天文有變皆匿不奏倚  
振勢爲奸公卿多趨謁球絕不與通德清恨之遂摘疏中  
攬權語謂振曰此指公耳振益大怒會璘疏上振遂指球  
氏姓譜

卷九

十九

劉氏

三五

同謀并逮下詔獄屬指推馬順殺球順深夜攜一小校持  
刀至球所球方卧起立大呼太祖太宗頸斷體猶植遂支  
解之瘞獄戶下璘從旁竊血裙遺球家後其子鉞求得一  
臂裹裙以殮順有子病忽起粹順髮拳且蹴之曰老賊令  
爾他日禍逾我我劉球也順驚悸俄而子死小校亦死球  
死數年瓦剌果入寇英宗北狩振被殺朝士立擊順斃之  
而德清自土木遁還下獄論斬尋瘐死詔戮其屍景帝憐  
球忠詔贈翰林學士謚忠愍立祠于鄉

劉鑑字宗器長洲人生彌月而孤及長刲股療母疾母卒  
哀毀以孝聞永樂中用善書徵入翰林舉順天鄉試授中  
書舍人宣德時預修成祖仁宗寔錄遷兵部主事仍供事  
內廷正統中修宣宗寔錄進侍講以學士曹鼐等荐與修  
撰王振教習庶吉士景帝立進侍講學士直經筵三年以

高穀薦遷國子祭酒時以國計不足放遣諸生不願歸者停其月廩鉉言養才國家急務今倉廩尙盈奈何靳此遂得復給又令甄別六館生年老貌寢學藝疏淺者斥爲民鉉言諸生荷教澤一旦被斥非朝廷育才意乞揀年貌衰而有學者量授之官帝可其奏尋以母喪歸服闋赴都陳詢已爲祭酒帝重鉉命與詢并任天順初改少詹事侍東宮講讀明年十月卒帝及太子皆賜祭賻贈有加憲宗立贈禮部侍郎諡文恭鉉性介特言行不苟教庶吉士及課國子生規條嚴整讀書至老彌篤仲子瀚以進士使南方瀕行閱其衣篋比還篋如故乃喜曰無玷吾門矣瀚官終副使能守父訓

劉翔字叔溫壽光人正統十三年進士改庶吉士授編修天順中歷右中允侍講東宮憲宗卽位以舊宮僚屢遷太

氏姓譜

卷九八

十一

劉氏

三六

常卿兼侍讀學士直經筵日講成化十年進吏部左侍郎充講官如故翔每進講反覆開導詞氣侃侃聞者爲悚學士劉定之稱爲講官第一憲宗亦愛重之明年詔以本官兼翰林學士入閣預機務帝每呼東劉先生賜印章一文曰嘉猷贊翔尋進吏部尙書再加太子少保文淵閣大學士文華大訓成加太子太保進謹身殿大學士翔性疎直自以宮寮舊臣遇事無所回護員外郎林俊以劾梁芳繼曉下獄翔于帝前解之李孜省輩左道亂政欲動搖東宮翔密疏諫謀少阻素薄萬安嘗斥安負國無耻安銜之初商輅之劾汪直也翔與萬安劉吉助之爭得罷西廠他日翔又折王越于朝越慙而退已而西廠復設翔不能有所諍至十八年安見直寵衰揣知西廠當罷邀翔同奏翔與直不與安遂獨奏疏上帝頗訝無翔名安陰使人許翔與直

有連會珙子鏐邀妓狎飲里人趙賓戲爲劉公子曲或增飾穢語雜教坊院本奏之帝大怒決意去珙遣中官覃昌名安吉赴西角門出帝手封書一函示之安等佯驚救次日珙具疏乞休令馳驛賜月廩歲隸白金楮幣甚厚其寔排珙使去者安吉兩人謀也時內閣三人安貪狡吉陰刻珙稍優顧喜談論人目爲狂躁珙旣倉卒引退而彭華尹直相繼入內閣安吉之黨乃益固珙初遭母憂廬墓三年比歸侍父益孝父歿復廬于墓宏治三年卒諡文和嘉靖初以言官請賜祠額曰昭賢仍遣官祭之

劉玉字仲璽磁州人生有膂力給侍曹吉祥家從征麓川授副千戶積功至都指揮僉事天順元年以奪門功進都督僉事尋充右參將守備潯州慶遠蠻剽博白及廣東之寧寧玉偕左參將范信邀擊敗之俄命分守貴州從方瑛

氏譜

卷九入

十九

劉氏

三七

討素苗礮干把豬討西堡苗繫其魁楚得先後斬首千級毀其巢而還旋改右副總兵鎮守貴州吉祥誅玉下吏當斬以道遠不與謀免死謫海南副千戶六年帝將以谷登爲甘肅副總兵李賢言登不任玉老成乃復以爲都督僉事右副總兵鎮守涼州咎哂族叛會兵平之進都督同知成化四年滿俊亂固原白圭舉玉爲總兵官統左右叅將夏正劉清討之兵分爲七玉與總督項忠抵石城賊已數敗會毛忠死玉亦被圍中流矢力戰得出相持兩月大小百十戰竟平之進左都督掌右府事自愬前西堡功命增俸百石掌耀武營六年充左副總兵從朱永出延綏五月河套部人犯玉帥衆禦却之逾年卒贈固原伯諡毅敏玉雖起僕隸勇決過人善撫士所至未嘗劬滿俊之叛據石城險屢敗官軍玉戰最力及論功祇賜秩一級時惜其薄

子文襲指揮使

劉陵字宗道性至孝母胡教子嚴偶不悅輒長跪請罪母  
悅乃起正德六年與詹軾劉槃同舉進士授刑部主事迎  
父就養卒于途校奔赴抱屍痛哭幾絕面有塵以舌舐而  
拭之及起故官帝將南巡刑曹諫疏校所草也于將死大  
呼曰校無恨不見老母耳子元婁年十一哭杖旁校曰  
爾讀書不多獨不識事君致身義乎善事祖母及母毋媿  
而父遂絕

劉訥鄆陵人父璟刑部尚書訥登正德十二年進士爲寧  
國推官攝燕湖縣事武宗南巡中貴索賄不得繫訥詔獄  
世宗立復官尋擢御史遷南京通政參議歷南京刑部尚  
書召改北初帝幸承天河南巡撫誘胡纘宗嘗以事管陽  
武知縣王聯聯尋爲巡按御史陶欽夔劾罷聯素兇狡嘗  
氏姓譜 卷九 十九 劉氏 三八

毆其父良論死久之以良請出獄坐殺人求解不得知帝  
喜告訥乃撫纘宗迎駕詩穆王入駿語爲謗詛言纘宗命  
已刊布不從屬欽夔論黜羅織成大辟候長至日令其子  
詐爲常朝官闌入闕門訟寃凡所不悅若副都御史劉隅  
給事中鮑道明御史胡植馮章辰洽參議朱鴻漸知府項  
喬賈應春等百十人悉構入之帝大怒立遣官捕纘宗等  
下獄命訥會法司嚴訊訥等盡得其誣罔仍坐聯死當其  
子詐冒朝官律斬而爲纘宗等乞宥帝旣從法司奏坐聯  
父子辟然心慄纘宗頗多詰讓下禮部都察院參議嚴嵩  
爲之解乃革纘宗職杖四十訥亦除名法司正貳停半歲  
俸卽官承問者下詔獄嵩以對制平獄有功令兼支大學  
士俸嵩辭乃允時法官率翫法徇上意稍執正譴責隨至  
訥于是獄能持法身雖黜而天下稱之

劉玉字咸粟萬安人祖廣衡承樂末進士正統間以刑部郎中出修浙江荒政積粟數百萬督治陂塘爲旱澇備景泰初歷左副都御史鎮守陝西請遇災傷毋俟勘報卽除其賦庶有司不得借覆核陰行科率從之還治院事福建浙江盜起命往督兵捕議創壽寧縣于官臺山以清盜窟討平處州賊已復巡撫遼東居官以廉節稱終刑部尚書父喬成化初進士累官湖廣左布政使玉登宏治九年進士叔輝縣知縣發粟賑饑奏蠲虛稅復業者于家擢御史初孫伯堅金琦王寧皆以傳奉得官已又以指揮胡震爲都指揮分守通州玉抗疏言傳奉不已繼之內批累聖德乞皆罷之不納武宗卽位甫四月災異迭見玉陳修省六事出按京畿中官吳忠奉命選后妃肆貪虐玉奏不問劉健謝遷罷玉馳疏言劉瑾等佞幸小臣巧戲弄投陛下

氏姓譜

卷九八

二十九

劉氏

三

笑顧讒邪而棄輔臣此亂危所自起况今白虹貫日彗見紫微宮星搖天王之位民窮財殫所在空虛陛下不改圖天下將殆乞置瑾等于理仍留健遷輔政不報玉遂引疾歸後瑾榜玉奸黨復誣構之罰輸粟塞下者三最後逮繫詔獄削籍放歸瑾誅起河南僉事遷福建副使正德十五年擢南京右僉都御史提督江防宸濠反攻安慶玉以舟師赴援事定改撫鄖陽世宗卽位召爲左僉都御史論邊亂功進右副都御史嘉靖元年改左歷刑部左右侍郎初偕九卿爭興獻帝不宜稱皇及帝欲考獻帝又偕廷臣伏闕哭爭六年秋坐李福達獄削籍卒于家玉所居僅庇風雨天文地理兵制刑律皆有論著隆慶初贈刑部尚書諡端毅

劉東星字子明沁水人隆慶二年進士改庶吉士授兵科



給事中大學士高拱攝吏部以非時考察謫蒲城縣丞徒  
盧氏知縣累遷湖廣左布政使萬歷二十年擢右僉都御  
史巡撫保定時朝鮮以倭難告王師調集悉會天津而天  
津靜海滄州河間皆被災東星請漕米十萬石平糶民乃  
濟名爲左副都御史進吏部右侍郎以父老請侍養歸  
行而父卒二十六年河決單之黃埧運道堙阻起工部左  
侍郎兼右僉都御史總理河漕初尙書潘季馴議開黃河  
上流循商虞而下歷丁家道口出徐州小浮橋卽元賈魯  
所浚故道朝廷以費鉅未果東星卽其地開濬起曲里舖  
至三仙臺抵小浮橋又濬漕渠自徐邳至宿討五閱月工  
竣費僅十萬詔嘉其績進工部尙書兼右副都御史明年  
渠卽伯界首二湖又明年奉開泃河泃界滕嶧間南通淮  
海引漕甚便前總督翁大立首議開濬後尙書朱衡都御

氏姓譜

卷九

十九

劉氏

四

史傳希摯復言之朝廷數遣官行視迄無成畫河臣舒應  
龍嘗鑿韓莊工亦中輟東星力任其役初議費百二十萬  
及工起費止七萬渠已成十之三會有疾求去屢旨慰留  
卒官後李化龍循其遺跡與李三才共成之漕永便焉東  
星性儉約歷官三十年敝衣蔬食如一日天啓初謚莊靖  
劉一燝字季晦南昌人父曰材嘉靖中進士陝西左布政  
使萬歷十六年一燝與兄一焜一煜并舉于鄉越七年又  
與一煜并舉進士改庶吉士授檢討一焜爲考功卽掌京  
察大學士沈一貫欲庇其私人錢夢臯鍾兆斗屬一煜爲  
請一煜謝不可夢臯等竟以中旨留由是忤一貫意尋歷  
祭酒詹事掌翰林院事四十五年春京察黨人用事謀逐  
孫承宗繆昌期等一煜力保持得免故事掌院無滿歲不  
遷者一煜居四年始遷禮部右侍郎教習庶吉士光宗卽

位擢禮部尚書兼東閣大學士參預機務偕何宗彥韓爌并命時內閣止方從哲一人萬歷末年神宗欲用史繼偕沈灌兩人方在籍帝命名之未及至帝復命宗彥一燝曠明日復命朱國祚及舊輔葉向高而宗彥國祚向高亦皆在籍惟一燝曠入直甫拜命帝已得疾一燝偕諸臣名見乾清宮明年九月朔帝崩諸臣入臨畢一燝詰羣奄皇長子當極前卽位今不在何也羣奄東西走不對東宮伴讀王安前曰爲李選侍所匿耳一燝大聲言誰敢匿新天子者安曰徐之公慎勿退遂趨入白選侍選侍領之復中悔挽皇長子裾安直前擁抱疾趨出一燝見之急趨前呼萬歲捧皇長子左手英國公張惟賢捧右手掖升輦及門宮中厲聲呼哥兒却還使使追躡者三輩一燝傍輦疾行翼升文華殿先卽東宮位羣臣叩頭呼萬歲事稍定選侍猶

氏姓譜

卷九

十九

劉氏

四

趨還乾清時選侍居乾清一燝曰乾清不可居殿下宜暫居慈慶皇長子心憚選侍然之一燝語安曰主上冲年無母后外庭有事吾受過宮中起居公等不得辭責明日周嘉謨及左光斗疏請移宮時首輔從哲徘徊其間已又欲緩移宮一燝曰本朝故事仁聖嫡母也移慈慶慈聖庄母也移慈寧今何日可姑緩耶初五日偕同官請卽日降旨立宮門以俟選侍不得已移臧鸞宮天子復還乾清事始大定帝旣踐阼從哲被劾在告一燝遂當國與曠相得甚歡念內廷惟王安力衛新天子乃引與共事安亦傾心嚮之所奏請無不從發內帑抑近侍搜遺逸舊德宿齒布滿九列中外欣欣望治焉明年天啓改元瀋陽失廷臣多請復用熊廷弼一燝亦言廷弼守邊一載殘疆宴然不知何故剪除及下廷議又皆畏懼不敢異同嗣後軍國大事

陛下當毅然主持勅諸臣洗心滌慮悉破雷同附和共憂國奉公帝優旨褒答尋有詔盡謫前排能廷弼者姚宗文等官言路多怨一燦一燦嘗言任天下事者惟六官言路張則六官無寔政善治天下者俾六官任事言路得繩其愆言官陳事政所得裁其是則天下治于是一切條奏悉下部議有不經者詔格之初選侍將移宮其內豎李進忠劉朝田詔等盜內府秘藏過乾清門什金寶墮地帝怒悉下法司案治甚急羣奄懼搆蜚語言帝薄先朝妃嬪致選侍移宮日蹠足投井以搖惑外廷御史賈繼春遂上安選侍書刑部尚書黃克纘給事李春聘御史王業浩輩張大其辭欲脫盜奄罪帝惡繼春妄言且疑其有黨將嚴譴之一燦謂天子新卽位輒疑臣下朋黨異時奸人乘間士大夫必受其禍乃具疏開帝意爲繼春解而反覆言朋黨無

氏姓譜

卷九八

二十九

劉氏

四二

寔繼春得削籍去御史張慎言高宏圖疏救繼春帝欲并罪亦以一燦言而止帝憾選侍甚必欲誅盜奄王安爲司禮亦惡之諸奄百方救卒不得久而帝漸忘前事安亦爲魏忠賢排死諸奄乃厚賄忠賢爲地而上疏辨寃帝果免朝諂死下其疏法司一燦執奏詔等議誅久無可雪疏直下部前無此制帝不得已下其疏于閣一燦復言此疏外不由通政司內不由會極門例不當擬旨謹封還原疏由是忠賢輩大憾朝等亦竟免死益任用定陵工成忠賢欲以爲功一燦援故事內臣非司禮掌印及提督陵工不得濫廢止擬加恩三等諸言官論客氏被謫者一燦皆疏救又請出客氏于外及言官交章論沈澹澹疑一燦主之與忠賢客氏等比而齟一燦一燦持大體不徇言路意言路頗怨又密窺魏客等漸用事一燦勢孤是年四月候補御

史劉重慶遂力抵一燬不可用帝怒謫重慶一燬再論救  
不聽而職方郎中余大成御史安伸給事中章蕃霍維華  
交章劾一燬帝不問既而維華外轉其同官孫杰疑一燬  
屬嘉謨爲之上疏力攻一燬一燬疏辨求罷帝已慰留給  
事中侯震暘御史陳九疇復劾之并刺其結納王安于是  
一燬四疏乞歸忠賢從中主之傳旨允其去先是從哲數  
稱一燬爲首輔一燬不敢當虛位俟葉向高及向高至入  
讒言謂一燬尼已至是知其無他力稱一燬有翼衛功不  
可去帝復慰留一燬堅卧不起二年正月疏十二上乃令  
乘傳歸旣歸兵部尙書張鶴鳴與奸細杜茂劉一燬獄欲  
指一燬爲一燬族株連之刑部尙書王紀不可遂被斥去  
而一燬得白鶴鳴一燬向所推轂者也已而忠賢大熾矯  
旨責一燬誤用廷弼削官追奪誥命勒令養馬崇正改元

氏姓譜

卷九八

十九

劉氏

四三

詔復官遣官存問一燬在位累加少傅太子太傅吏部尙  
書中樞殿大學士八年卒贈少師福王時追謚文端

劉一焜字元丙萬歷二十年進士授行人歷考功郎中佐  
侍郎楊時喬典京察盡斥執政私人已改文選遷太常少  
卿以憂去久之由故官擢右僉都御史巡撫浙江帝遣中  
官曹奉建鎮海寺于普陀山一焜偕巡按李邦華爭不可  
不聽織造中官劉成卒一焜屢疏請勿遣代已得請會命  
中官呂貴護成遺裝奸人遂請留貴督織造疏直達禁中  
一焜與邦華極論其罪帝卒命貴代之一焜復疏爭不報  
歛威一焜以暇築龕山海塘千二百丈濬復餘杭南湖民  
賴其利御史沈珣誣訐其賍私一焜自引去卒贖工部右

侍郎一焜兵部郎中

劉宗周字起東山陰人父坡爲諸生母章氏姬五月而坡  
亡旣生宗周家酷貧攜育外家後以宗周大父老疾歸事  
之析薪汲水持藥糜然體孱甚母嘗憂念之不置遂成疾  
又以貧故忍而不治萬歷二十九年宗周成進士母卒于  
家宗周奔喪爲室中門外日哭泣其中服闋選人請  
養大父母遭喪居七年始起補母以節聞于朝時有崑黨  
宣黨與東林爲難宗周上言東林顧憲成講學處高攀龍  
劉永澄姜士昌劉元珍皆賢人于玉立丁元薦較然不欺  
其志有國士風諸臣摘流品可也爭意見不可攻東林可  
也黨崑宣不可黨人大譁宗周乃請告歸天啓元年起儀  
制主事疏言魏進忠導皇上馳射戲劇奉聖夫人出入自  
由一舉逐諫臣三人罰一人皆出中旨勢將指鹿爲馬生  
殺子奪制國家大命今東西方用兵奈何以天下委閹豎

氏姓譜

卷九八

十元

劉氏

四

乎進忠者魏忠賢也大怒停宗周俸半年尋以國法未伸  
請戮崔文昇以正弒君之罪戮盧受以正交私之罪戮楊  
錦李如楨李維翰鄭之范以正喪師失地之罪戮高出胡  
嘉棟康應乾牛維曜劉國縉傅國以正棄城逃潰之罪急  
起李三才爲兵部尙書錄用清議名賢丁元薦李朴等誣  
臣楊漣劉重慶等以作仗節徇義之氣帝切責之累遷光  
祿丞尙寶太僕少卿移疾歸四年起右通政至則忠賢逐  
東林且盡宗周復固辭忠賢責以矯情厭世削其籍崇正  
元年冬召爲順天府尹辭不許明年九月入都上疏帝以  
爲迂濶然嘆其忠未幾都城被兵帝不視朝章奏多留中  
不報傳旨辦布囊八百中官競獻馬騾又令百官進馬宗  
周曰是必有以遷幸動上者乃詣午門叩頭諫曰國勢強  
弱視人心安危乞陛下出御皇極門延見百僚明言宗廟

山陵在此固守外無他計俯伏待報自晨迄暮中官傳旨  
乃退米價騰踊請罷九門稅修賈區以處貧民爲粥以養  
老疾嚴行保甲之法人心稍安時樞輔諸臣多下獄者宗  
周言國事至此諸臣負任使無所逃罪陛下亦宜分任咎  
又劾馬世龍張鳳翼吳阿衡等罪忤帝意三年以疾在告  
進祈天永命之說周延儒溫體仁見疏不憚以時方禱雨  
而宗周稱疾指爲僞蹇激帝怒擬旨詰之且令陳足兵足  
餉之策宗周條畫以對延儒體仁不能難爲京尹政令一  
新挫豪家尤力閹人言事輒不應或相詬誶宗周治事自  
如武清伯蒼頭毆諸生宗周捶之枷武清門外常出見優  
人籠篋焚之通衢賙恤單丁下戶尤至居一載謝病歸都  
人爲罷市八年七月內閣缺人命吏部推在籍者以孫慎  
行林鈺及宗周名上詔所司敦趨宗周固辭不許明年正

氏姓譜

卷六

十九

劉氏

四五

月入都慎行已卒與鈺入朝帝問人才兵食及流寇猖獗  
狀宗周言陛下求治太急用法太嚴布令太繁進退天下  
士太輕諸臣畏罪飾非不肯盡職業故有人而無人之用  
有餉而無餉之用有將不能治兵有兵不能殺賊又問兵  
事宗周言禦外以治內爲本內治修遠人自服于羽舞而  
有苗格願陛下以堯舜之心行堯舜之政天下自平對畢  
趨出帝顧體仁迂其言命鈺輔政宗周他用旋授工部左  
侍郎踰月上痛憤時艱疏入帝怒甚諭閣臣擬嚴旨再四  
每擬上帝輒手其疏覆閣起行數周已而意解降旨詰問  
謂大臣論事宜體國度時不當效小臣歸過朝廷爲名高  
且獎其清直焉時太僕缺馬價有詔願捐者聽體仁及戚  
國公朱純臣以下皆有捐助又議罷明年朝覲宗周以輸  
晉免覲爲辱國帝雖不悅心善其忠益欲大用體仁患之

募山陰人許翊疏論之謂宗周道學有餘才請不足帝以  
翊同邑知之宜真遂已不用其秋三疏請告去至天津聞  
都城被兵遂留養疾十月事稍定乃上疏疏奏帝大怒體  
仁又上章力詆遂斥爲民十四年九月吏部缺左侍郎廷  
推不稱旨帝臨朝而嘆謂大臣劉宗周清正敢言可用也  
遂以命之再辭不得乃趨朝道中進三劄一曰明聖學以  
端治本二曰躬聖學以建治要三曰重聖學以需治化凡  
數千言帝優旨報之明年八月未至擢左都御史力辭有  
詔敦趨踰月入見文華殿帝問都察院職掌安在對曰在  
正己以正百寮必存諸中者上可對君父下可質天下士  
大夫而後百寮則而象之大臣法小臣廉紀綱振肅職掌  
在是而責成迺方其首務也迺方得人則吏治清民生遂  
帝曰卿力行以副朕望乃列建道揆貞法守崇國體清伏

氏姓譜

卷九

十一

劉氏

四

奸黨官邪飭吏治六事以獻帝褒納焉俄劾御史喻上猷  
嚴雲京而薦袁愷成勇帝并從之其後上猷受李自成顯  
職率爲世大詬冬十月京師被兵請旌死事盧象升而追  
戮誤國奸臣楊嗣昌逮跋扈悍將左良玉防關以備反攻  
防濬以備透渡防通津臨德以備南下帝不能盡行閏月  
晦日召見廷臣于中左門時姜燠熊開元以言事下詔獄  
宗周約九卿共救入朝聞密旨置二人死宗周愕然謂衆  
曰今日當空署爭必改發刑部始已及入對御史楊若橋  
薦西洋人湯若望善火器請召試宗周曰國家大計以法  
紀爲主大帥跋扈援師逗遛奈何反姑息爲此紛紛無益  
之舉耶因議督撫去留則請先去督師范志完且曰十五  
年來陛下處分未當致有今日敗局不追禍始更絃易轡  
欲以一切苟且之政補目前罅漏非長治之道也帝變色

曰前不可追善後安在宗周曰在陛下開誠布公公天下  
爲好惡合國人爲用舍進賢才開言路次第與天下更始  
帝曰目下烽火逼畿甸且國家敗壞已極當如何宗周曰  
武備必先練兵練兵必先選將選將必先擇賢督撫擇賢  
督撫必先更兵二部得人帝曰濟變之日先才後守宗周  
曰前人敗壞皆由貪縱使然故以濟變言愈宜先守後才  
帝曰大將別有才苟非徒操守可望成功宗周曰他不具  
論如范志完操守不謹大將偏裨無不由賄進所以三軍  
解體由此觀之操守爲主帝色解曰朕已知之勅宗周起  
于是宗周出奏曰陛下下詔求賢姜球熊開元二臣遽  
以言得罪國朝無言官下詔獄者有之自二臣始陛下度  
量卓越妄如臣宗周慙直如臣黃道周尙蒙使過之典二  
臣何不幸不邀法外恩帝曰道周有學有守非二臣比宗

氏姓譜

卷九八

十一元

劉氏

四七

周曰二臣誠不及道周然朝廷待言官有體言可用用之  
不可置之卽有應得之罪亦當付法司今遽下詔獄終于  
國禮有傷帝怒甚曰有如貪賍壞法欺君罔上皆可不問  
乎宗周曰錦衣膏梁子弟何知禮義聽寺人役使卽陛下  
問貪賍壞法欺君罔上亦不可不付法司也帝大怒曰如  
此偏黨豈堪憲職有間曰開元此疏必有主使疑卽宗周  
金光辰爭之帝叱光辰并命議處翼曰光辰貶三秩調用  
宗周革職刑部議罪閣臣持不發捧原旨御前懇救乃免  
斥爲民歸二年而京師陷宗周徒步荷戈詣杭州責巡撫  
黃鳴駿發喪討賊鳴駿誠以鎮靜宗周勃然曰君父變出  
非常公專閫外不思枕戈泣血激勵同仇顧藉口鎮靜作  
遜避計耶鳴駿唯唯明日復趣之鳴駿曰發喪必待哀詔  
宗周曰噫此何時也安所得哀詔哉鳴駿乃發喪問師期



則曰甲仗未具宗周嘆曰嗟乎是烏足與有爲哉乃與故  
侍郎朱大典故給事中章正宸熊汝霖召募義旅將發而  
福王監國于南京起宗周故官宗周以大仇未報不敢受  
職自稱草莽孤臣疏陳時政言今日大計舍討賊復仇無  
以表陛下渡江之心非毅然決策親征無以作天下忠義  
之氣諂納其言宣付史館中外爲悚動而馬士英高傑劉  
澤清恨甚滋欲殺宗周矣宗周連疏請告不得命遂抗疏  
劾士英王優詔答之而促其速入士英大怒卽日具疏辭  
位且揚言于朝曰劉公自稱草莽孤臣不書新命明示不  
臣天子也其私人朱統鑣遂劾宗周疏請移蹕鳳陽鳳陽  
高牆所在欲以罪宗處皇上而與史可法擁立潞王其兵  
已伏丹陽當急備而澤清傑日夜謀所以殺宗周者不得  
乃遣客十輩往刺宗周宗周時在丹陽終日危坐未嘗有

氏姓譜

卷九八

十一九

劉氏

四八

情容容前後至者不敢加害而去而黃鳴駿入覲兵抵京  
口與防江兵相擊鬪士英以統鑣言爲信也亦震恐于是  
澤清疏劾宗周陰撓恢復欲誅臣等激變士心召生靈之  
禍劉良佐亦具疏言宗周力持三案爲門戶主盟倡議親  
征圖晁錯之自爲居守司馬懿之閉城拒君疏未下澤清  
復草一疏畧傑良佐及黃得功名上之言宗周勸上親征  
謀危君父欲安置陛下于烽火凶危之地蓋非宗周一人  
之謀姜日廣吳姓合謀也日廣心雄膽大翊戴非其本懷  
故陰結死黨剪除諸忠然後迫劫乘輿遷之別郡如姓宗  
周入都臣等卽渡江赴闕面討諸奸正春秋討賊之義疏  
入朝初澤清疏出遣人錄示傑傑曰我輩武人乃預朝事  
耶得功疏辨臣不預聞士英寢不奏可法不平遣使徧詰

諸鎮咸云不知遂據以入告澤清輩由是氣沮士英旣嫉  
宗周益欲去之而薦阮大鍼知兵有詔冠帶陛見未幾中  
旨特授兵部添注右侍郎宗周曰大鍼進退係江左興亡  
老臣不敢不一爭之不聽則亦將歸爾疏入不聽宗周遂  
告歸詔許乘傳將行疏陳五事優詔報聞明年五月南都  
亡六月潞王隆杭州亦失守宗周方食推案慟哭自是遂  
不食移居郭外有勸以文謝故事者宗周身不在位卽不  
當與城爲存亡獨不當與土爲存亡乎此江萬里所以死  
也出辭祖墓舟過西洋港躍入水中水淺不得死舟人扶  
出之絕食二十三日始猶進茗飲後勺水不下者十三日  
與門人問答如平時閏六月八日卒年六十有八宗周在  
官之日少其事君不以面從爲敬入朝雖處暗室不敢南  
向或訊大獄會大議對明旨必却坐拱立移時或謝病徒

氏姓譜

卷九八

十一元

劉氏

四九

步家居布袍粗飯樂道安貧聞名就道嘗不能具冠裳學  
者稱念臺先生子灼字伯繩

劉之綸字元誠宜賓人家世務農之綸少從父兄力田間  
艾薪樵賣之市中歸而學書銘其座右曰必爲聖人里中由  
是號之綸爲劉聖人天啓初舉鄉試奢崇明反以策干監  
司扼賊歸路監司不能用崇正元年第進士改庶吉士與  
同館金聲及所客申甫三人者相與爲友造單輪火車偏  
廂車獸車剝木爲西洋大小礮不費司農錢明年冬京師  
戒嚴聲上書得名見薦之綸及甫帝立召之綸甫之綸言  
兵了了口辨帝大悅授甫京營副總兵資之金十七萬名  
募改聲御史監其軍授之綸兵部右侍郎副尚書閔夢得  
協理京營戎政于是之綸賓賓以新進驟躋躋卿貳矣初正  
月元日有黑氣起東北亘西方甫見之大驚趨語之綸聲

曰天變如此汝知之乎今年當喋血京城下可畏也聞者皆笑及冬十一月三日

大清兵破遵化十五日至霸上二十日薄都城自北而西都人自城上望之如雲萬許片馳風須臾已過遂克良鄉還至蘆溝夜殺甫一軍七千餘人黎明掩殺大帥滿桂孫祖壽生禽黑雲龍麻登雲以去之綸曰元日之言驗矣請行無兵則請京營兵不許則請關外川兵不許則議名募名募得萬人遂行抵通州時永平已陷天大雨雪之綸奏軍機七上不報明年正月師次薊當是時

大清兵蒙古諸部號十餘萬駐永平諸勤王軍數萬在薊之綸乃與總兵馬世龍吳自勉約由薊趨永平牽之無動而自率兵入路進攻遵化既由石門至白草頂距遵化八里娘娘山而營世龍自勉不赴約二十二日

氏姓譜

卷九八

十九

劉氏

五十一

大清兵自永平趨三屯營驍騎三萬望見山上軍縱擊之之綸發礮燬炸軍營自亂左右請結陣徐退以爲後圖之綸叱曰毋多言吾受國恩吾死耳嚴鼓再戰流矢四集之綸解所佩印付家人持此歸報天子遂死一軍皆哭拔營野戰皆死之尸還矢飲于顛不可拔聲以齒嚙之出以授其家人之綸母老二子幼貧不能返柩請于朝給驛還久之贈尙書

劉理順字復禮杞縣人萬歷中舉于鄉十赴會試至崇正七年始中式及廷對帝親擢第一還宮喜曰朕今日得一老碩矣拜修撰益勤學非其人不與交十二年春畿輔告警疏陳作士氣矜窮民簡良吏定師期信賞罰招脅從六事歷南京司業左中允右諭德入侍經筵兼東宮講官楊嗣昌奪情入閣理順昌言于朝嗣昌奪其講官開封垂陷

理順建議河北設重臣練敢死士爲後圖疏格不行嗣昌  
薛國觀周延儒迭用事理順一無所附麗出溫體仁門言  
論不少狗賊犯京師急守卒缺餉陰雨飢凍理順詣朝房  
語諸執政急請帑衆唯唯理順太息歸捐家貲犒守城卒  
僚友問進止正色曰存亡視國尙須商酌耶城破妻萬妾  
李請先死旣絕理順大書曰成仁取義孔孟所傳文信踐  
之吾何不然書畢投纆年六十三僕四人皆從死羣盜多  
中州人入唁曰此吾鄉杞縣劉狀元也居鄉厚德何遽死  
羅拜號泣而去後贈詹事諡文正

劉春字仁仲巴人成化二十三年進士及第授編修屢遷  
翰林學士正德六年擢吏部右侍郎進左八年代傅珪爲  
禮部尙書准王祐檠鄭王祐檠皆由旁支襲封而祐檠稱  
其本生爲考祐檠并欲追封入廟交城王秉楓由鎮國將

氏姓譜

卷八

十一

劉氏

五

軍嗣爵而進其妹爲縣主春皆據禮駁之遂著爲例帝崇  
信西僧常襲其衣服演法內殿有綽吉我些兒者出入豹  
房封大德法王遣其徒二人還烏思藏請給國師誥命如  
大乘法王例歲時入貢且得齋茶以行春持不可帝命再  
議春執奏曰烏思藏遠在西方性極頑獷雖設四王撫化  
其來貢必有節制使不爲邊患若許其齋茶給之誥勅萬  
一假上旨以誘羌人妄有請乞不從失異俗心從之則滋  
害奏上罷齋茶卒與誥命春掌禮三年慎守彝典宗藩請  
封請婚及文武大臣祭葬贈諡多所裁正遭憂服闋起南  
京吏部尙書尋以禮部尙書專典誥勅掌詹事府事十六  
年卒贈太子太保諡文簡

劉瑞字德符內江人父時敦官山東僉事以廉惠稱瑞舉  
宏治九年進士選庶吉士授檢討好學潔修遇事輒有論

建清寧宮災請罷醮壇時名內閣講官延訪治道又言故  
閣李廣門下內臣宜悉治罪前太監汪直先帝罪人今來  
覬用當斥遠之副使楊茂元郎中王雲鳳以直言獲罪宜  
召復其官京師之萬春宮興濟真武廟壽寧侯第在外之  
興岐衝葬汝涇諸府土木繁興宜悉罷不急者都勻之提  
鄧廷瓚具其功賀蘭之征王越啓其衅請追正欺罔罪報  
聞闕里廟成遣大學士李東陽祭告瑞請更定先師封諡  
不果行武宗卽位疏陳端治本九事請名祭酒章懋侍郎  
王鰲都御史林俊雍泰而超擢參政王綸副使王雲鳳僉  
事胡獻知府楊茂元照磨金濂由是諸臣多獲進用劉瑾  
用事瑞卽謝病貧不能還鄉乃依從母子李充嗣于澧州  
瑾榜瑞爲奸黨又以前荐雍泰除其名罰米輸塞上坐是  
益困授徒自給瑾誅以副使督浙江學校名爲南京大僕

氏姓譜

卷八

十一九

劉氏

五一

少卿嘉靖二年由南太常卿就遷禮部右侍郎因災變偕  
同官條上六事且言齋醮無益且妨政織造多費且病民  
帝多納用之大禮議起瑞階九卿合疏極言太宗小宗之  
義凡數十言四年卒官贈尙書隆慶初諡文肅

劉大夏字時雍華容人父仁宅由鄉舉知瑞昌縣流民干  
餘家匿山中邏者索賂不得誣民反衆議加兵仁宅單騎  
招之民爭出訴遂罷兵擢廣西副使大夏年二十舉鄉試  
第一登天順八年進士改庶吉士成化初館試當留自請  
試吏乃除職方主事再遷郎中明習兵事曹中宿弊盡革  
所奏覆多當上意尙書倚之若左右手汪直好邊功以安  
南黎瀨敗于老撾欲乘間取之言于帝索永樂間討安南  
故牘大夏匿弗予密告尙書余子俊曰兵釁一開西南立  
糜爛矣子俊悟事得寢朝鮮貢道故由鴉鵲關至是請改

田鴨綠江尙書將許之大夏曰鴨綠道徑祖宗朝豈不知顧紆迴數大鎮此殆有微意不可許乃止中官阿九者其兄任京衛經歷以罪爲大夏所答憲宗入其譖捕繫詔獄令東廠偵之無所得會懷恩力救乃杖二十而釋之十九年遷福建右參政以政績聞父計一宿卽行宏治二年服闋遷廣東右布政使田州泗城不靖大夏往諭遂順命後山賊起承檄討之令獲賊必生致驗寔乃坐得生者過半改左移浙江六年春河決張秋詔博選才臣往治吏部尙書王恕等以大夏薦擢右副都御史以行乃自黃陵岡浚賈魯河復浚孫家渡四府營上流以分水勢而築長堤起昨城歷東明長垣抵徐州亘三百六十里水大治更名張秋鎮曰安平鎮孝宗嘉之賜璽書褒美名爲左副都御史歷戶部左侍郎十年命兼左僉都御史往理宣府兵餉

氏姓譜

卷九八

十一九

劉氏

五三

尙書周經謂曰塞上勢家子以市糴爲私利公母以剛賈禍大夏曰處天下事以理不以勢俟至彼圖之初塞上糴糶必粟千石芻萬束乃得告納以故中官武臣家得操利權大夏合有芻粟者自百束十石以上皆許勢家欲牟利無所得不兩月儲積充羨邊人蒙其利明年秋三疏移疾歸築草堂東山下讀書其中越二年廷臣交荐起右都御史總制兩廣軍務勅使及門攜二僮行廣人故思大夏鼓舞稱慶大夏爲清吏治捐供億禁內外鎮守官私役軍士盜賊爲之衰止十五年拜兵部尙書屢辭乃拜命旣召見帝曰朕數用卿卿數引疾何也大夏頓首言臣老且病竊見天下民窮財盡脫有不虞責在兵部自度力不辦故辭耳帝默然南京鳳陽大風拔木河南湖廣大水京師苦雨沈陰大夏請凡事非祖宗舊而害軍民者悉條上釐革十

七年二月又言之帝命事當興革者所司具寔以聞乃會  
廷臣條上十六事皆權倖所不便者相與力尼之帝不能  
決下再議大夏等言事屬外廷悉蒙允行稍涉權貴復令  
察覈臣等至愚莫知所以久之乃得旨傳奉官疏名以請  
幼匠厨役減月米三斗增設中官司禮監覈奏四衛勇士  
御馬監具數以聞餘悉如議織造齋醮皆停罷光祿省浮  
費鉅萬計而勇士虛冒之弊亦大減制下舉朝歡悅先是  
外戚近倖多干恩澤帝深知其害政奮然欲振之因時多  
災異復宣諭羣臣令各陳缺失大夏乃復上數事其年六  
月再陳兵政十害且乞歸帝不許令樊端宜革者更詳具  
以聞于是大夏舉南北軍轉漕番上之苦及邊軍因敝邊  
將侵尅之狀極言之帝乃召見大夏于便殿問曰卿前言  
天下民窮財盡祖宗以來徵歛有常何今日至此對曰正

氏姓譜

卷九八

十一九

劉氏

五四

謂不盡有常耳如廣西歲取鐸木廣東取香藥費固以萬  
計他可知矣又問軍對曰窮與民等帝曰居有月糧出有  
行糧何故窮對曰其帥侵尅過半安得不窮帝太息曰朕  
臨御久乃不知天下軍民困何以爲人主遂下詔嚴禁當  
是時帝方銳意太平而劉健爲首輔馬文升以師臣長六  
卿一時正人充布列位帝察知大夏方嚴且練事尤親信  
數召見決事大夏亦隨事納忠大同小警帝用中官苗達  
言將出師內閣劉健等力諫帝猶疑之名問大夏曰卿在  
廣知苗達延綏搗巢功乎對曰臣聞之所俘婦稚十數耳  
賴朝廷威德全師以歸不然未可知也帝默然良久問曰  
太宗頻出塞今何不可對曰陛下神武固不後太宗而將  
領士馬遠不逮且淇國公小違節制舉數十萬衆委沙漠  
奈何易言之度今上策惟守耳都御史戴珊亦從旁贊決

帝遽曰微卿曹朕幾悞由是師不果出帝嘗諭大夏曰臨事思名卿慮越職而止後有當行罷者具揭帖以進大夏頓首曰事之可否外付府部內咨閣臣可矣揭帖滋弊不可爲後世法帝稱善又嘗問天下何時太平對曰求治亦難太急但用人行政悉與大臣面議當而後行久之天下自治大夏每被召跪御榻前帝左右顧近侍輒引避嘗對久憊不能興呼司禮太監李榮掖之出一日早朝大夏固在班帝偶未見明日諭曰卿昨失朝耶恐御史糾不果名卿其受眷深如此特賜玉帶麒麟服所資金幣上尊歲時不絕未幾孝宗崩武宗嗣位承詔請撤四方鎮守中官非額設者帝止撤均州齊元大夏復議上應撤者二十四人又奏減皇城京城守視中官皆不納頃之列上傳奉武臣當汰者六百八十三人報可大漢將軍薛福敬等四十八

氏姓譜

卷九八

十九

劉氏

五五

人亦當奪官福敬等故不入侍以激帝怒帝遽命復之而責兵部對狀欲加罪中官寧瑾頓首曰此先帝遺命陛下列之登極詔書不宜罪帝意乃解中官韋興者成化末得罪久廢至是黃緣守均州言官交諫大夏等再三爭皆不聽正德元年春又言鎮守中官如江西董讓蘄州劉瑯陝西劉雲山東朱雲貪殘尤甚乞按治帝不悅大夏自知言不見用數上章乞骸骨其年五月詔加太子太保賜勅馳驛歸給廩隸如制給事中王翊張禴請留之吏部亦請如翊禴言不報大夏忠誠懇篤遇知孝宗忘身殉國于權倖多所裁抑嘗請嚴覈勇士爲劉瑾所惡劉宇亦憾大夏遂與焦芳譖于瑾曰籍大夏家可當邊費十二三年九月假田州岑猛事逮繫詔獄瑾欲坐以激變律死都御史屠瀟持不可瑾謾罵曰卽不死可無戍耶李東陽爲婉解且瑾



詎大夏家寔貧乃坐成極邊初擬廣西芳曰是送若歸也  
遂改肅州大夏年已七十三布衣徒步過大明門下叩首  
而去觀者嘆息泣下父老攜筐送食所至爲罷市焚香祝  
劉尙書生還比至戍所諸司憚瑾絕餽問儒學生徒傳食  
之遇團操輒荷戈就伍所司固辭大夏曰軍固當役也所  
攜止一僕或問何不挈子姓曰吾宦時不爲子孫乞恩澤  
今垂老得罪忍令同死戍所耶大夏旣遣戍瑾猶撫他事  
罰米輸塞上者再五年夏赦歸瑾誅復官致仕清軍御史  
王相請復廩隸錄其子孫中官用事者終嫌之不許大夏  
歸教子孫力田謀食稍贏散之故舊宗族預自爲曠志曰  
無使人飾美俾懷愧地下也十一年五月卒年八十一贈  
太保諡忠宣大夏嘗言居官以正己爲先不獨當戒利亦  
當遠名又言人生蓋棺論定一日未死卽一日憂責未已

氏姓譜

卷九八

十九

劉氏

五

其被逮也方鋤菜園中入室攜數百錢跨小驢就道赦歸  
有門下生爲巡撫者在百里謁之道遇扶犁者問孰爲尙  
書家引之登堂卽大夏也朝鮮使者在鴻臚寺館遇大夏  
邑子張生因問起居曰吾國聞劉東山名久矣安南使者  
入貢曰聞劉尙書戍邊今安否其爲外國所重如此

劉定之字主靜永新人幼有異稟父授之書日誦數千言  
不令作文一日偶見所爲祀竈文大異之舉正統元年會  
試第一殿試及第授編修京城大水應詔陳十事疏入留  
中十三年弟寅之與鄉人相訐辭連定之下獄得白秩滿  
進侍講景帝卽位復上言十事書奏帝優詔答之三年遷  
洗馬也先使者乞遣報使帝堅不許定之疏引故事以請  
帝下廷議竟不果遣久之遷右庶子天順改元調通政司  
左參政仍兼侍講尋憲宗立進太常少卿兼侍讀學士直

經筵成化二年十二月以本官入直文淵閣進工部右侍郎江西湖廣災有司方徵民賦定之言國儲充積倉庾至不能容而此張口待哺之氓乃責其租課非聖王恤下意帝感其言卽命停徵四年進禮部左侍郎請經筵兼講太祖御製諸書斥異端邪教勿令害政耗財帝留其疏不下五年卒官贈禮部尚書諡文安定之謙恭質直以文學名一嘗有中旨命製元宵詩內使却立以俟據案伸紙立成七言絕句百首又嘗一日草九制筆不停書有質宋人名字者就列其世次若譜系然人服其敏博

劉世龍字元卿慈谿人正德十六年進士授太倉知州改國子助教遷南京兵部主事嘉靖十三年南京太廟災世龍應詔陳三事疏入帝震怒謂世龍訕上庇逆械繫至京下詔獄拷掠獄具復廷杖八十斥爲民張延齡者昭聖太后弟也帝必欲殺之故世龍重得罪後二年又以大猾劉東山許告盡斥諸刑曹郎羅虞臣徐申等猶以延齡故也世龍家居五十年自養親一內外蔬食終身卒之日族人爲治衣冠葬之

氏姓譜

卷九人

十一元

劉氏

五七

劉顯南昌人生而膂力絕倫稍通文義家貧落魄之叢祠欲自經神護之不死間行入蜀爲童子師已冒籍爲武生嘉靖三十四年宜賓苗亂巡撫張臬討之顯從軍陷陣手格殺五十餘人禽首惡三人諸軍繼進賊盡平顯由是知名官副千戶輸貲爲指揮僉事南京振武營初設用兵部尙書張鏊薦名令訓練擢署都指揮僉事僉書浙江都司遷參將分守蘇松倭犯江北逼泗州鏊檄顯防浦口顯測賊將遁追擊至安東方暑披單衣率四騎誘賊伏精甲岡下賊出斬一人所乘馬中矢下拔其鏃射殺追者誘至岡

下大敗之去賊出所俘女子盡將士顯悉送有司明日伺賊出潛燬其舟賊敗走舟舟已焚死者無算顯進秩三等尋遷副總兵協守江浙三沙倭復劫江北被圍于劉家莊顯以銳卒數千至巡撫李遂令盡護江北軍顯率所部直入諸營繼之自辰及酉賊巢破逐北至白駒場茅花墩斬首六百有奇賊盡殄而遂謂賊由三沙來寔盧鏗及顯罪顯坐停俸已應天巡撫翁大立荐顯驍勇請久任帝可之振武營兵變後諸將務姑息兵益驕給事中魏元吉薦顯署都督僉事節制其軍顯挈蜀卒五百人往一軍帖然聞賊流入江西大掠石城臨川東鄉金谿殺吏民萬計詔顯赴勦擊敗之陽湖賊乃遁四十一年五月廣東賊犬起詔顯充總兵官鎮守會福建倭患棘顯赴援與叅將戚繼光連破賊賊畧盡而新倭大至攻陷興化城顯以兵少逼城

氏姓譜

卷九八

十五

劉氏

五八

未敢戰被劾戴罪賊以間攻據平海衛他倭劫福清謀與海倭合顯及俞大猷合于遮浪盡殲之平海倭欲遁爲把總許朝光所邀敗乃盡焚其舟退還舊屯戚繼光亦至顯與大猷共助擊之遂復興化錄功進先所廕世職二秩江北倭未平廷議設總兵官于狼山統制大江南北改顯任之顯行部通州以敕書許節制知府以下而同知王汝言不爲禮劾奏鐫其秩已移鎮浙江顯有將畧居官不守法度巡按御史劾之革任候勘用巡撫劉畿薦命充爲事官鎮守如故隆慶改元以軍政拾遺被劾貶秩視事用巡撫谷中虛薦還故官移鎮貴州廣西猥賊者念父子僭稱王改剽安順巡撫阮文中檄顯勦俘斬五百餘人四川巡撫曾省吾議征都掌蠻令顯移鎮其地復被劾罷省吾奏留之都掌蠻者居敘州戎縣介高珙筠連長寧江安納溪六

縣間古瀘賊也成化初爲亂程信討平之正德中普法惡復爲亂馬昊討平之至是其酋阿大阿三方三等據九絲山剽遠近其山修廣而四隅峭仄東北則雞冠嶺都都寨凌霄峯三岡峻壁數千仞有阿苟者居凌霄峰爲賊耳目威儀出入如王者省吾議討之屬顯軍事起故將郭成安大朝爲佐調諸土兵合官軍凡十四萬人萬歷改元三月畢集敘州誘執阿苟攻凌霄進逼都都寨三酋遣其黨阿墨固守官軍頓匝月鑿難以逼漕擊斬阿墨拔其寨阿大自守雞冠顯令人誘以官而分五哨盡壁九絲城下乘無備夜半腰絙上斬關入遲明諸將畢至阿二方三走保壯豬寨郭成破雞冠獲阿大諸軍攻壯豬禽方三阿二走追獲于貴州大盤山克寨六十餘獲賊魁三十六俘斬四千六百拓地四百餘里得諸葛銅鼓九十三銅鐵鍋各一

氏姓譜

卷九入

十九

劉氏

五九

阿大泣曰鼓聲宏者爲上可易于牛次者七八百得鼓二三便可僭號稱王鼓山顛羣蠻畢集今已矣鍋狀如鼎大可函牛刻畫有文彩相傳諸葛亮以鼓鎮蠻鼓失則蠻運終矣錄功進顯都督同知己而勦餘孽復俘斬千一百有奇都掌蠻旣滅顯引疾求去而以有司阻撓爲言詔聽顯節制顯益行其志擊西川番沒舌丟骨人荒諸砦斬其首惡撫餘衆而還建昌俛履洗馬諸番咸獻首惡西陲以寧九年冬卒官子經

劉天和字養和麻城人正德三年進士授南京禮部主事劉瑾黜御史十八人改他曹二十四人補之天和與焉出按陝西鎮守中官廖堂奉詔辦食御物于蘭州天和謂非所部辭不往堂奏天和拒命詔逮之部民哭送者萬人銅詔獄久不釋吏部尙書楊一清疏救法司奏當贖杖還職

中旨謫金壇丞刑部主事孫繼芳抗章敢不報屢遷湖州知府多惠政嘉靖初擢山西提學副使累遷南京太常少卿以右僉都御史督甘肅屯政請以肅州丁壯及山陝流民于近邊耕牧且推行于諸邊尋奏當興革者十事田利大興改撫陝西請撤鎮守中官及罷爲民患者三十餘事帝皆從之洮岷番四十二族蠢動天和誅不順命者又討平湖店大盜及漢中妖賊就進右副都御史母憂服闋以故官總理河道黃河南徙歷濟徐皆旁溢天河疏汴河自朱仙鎮至沛飛雲橋殺其下流疏山東七十二泉自鳧尼諸山達南旺河濬其下流役夫二萬不三月訖工加工部右侍郎故事河南入府歲役民治河不赴役者人出銀三兩天和因歲飢請盡蠲旁河受役者課遠河未役者半之詔可十五年改兵部左侍郎總制三邊軍務兵車皆雙輪

氏姓譜

卷九八

十九

劉氏

六十一

用二十人遇險卽困又行遲不適于用天和請倣前總督秦紘隻輪車上置砲槍斧戟楯前樹狻猊牌左右虎盾連二車可蔽三四十人一人輓之推且翼者各二人戰則護騎士其中敵遠則施火器稍近發弓弩又近乃出短兵敵走則騎兵追復製隨車小帳令士不露宿又毒弩矢修邊牆濠塹皆從之吉囊十萬衆屯賀蘭山後遣別部寇涼州副將王輔逐奪其羸寇莊浪總兵官姜夔屢敗之進天和右都御史寇復大集兵將入犯天和策寇闕西有備必東密檄延綏副將白儒宵行與叅將吳瑛合寇果東入黑河墩遇爵伏兵大創而去旣又入蒺藜川爵尾擊之寇多死尋入寇家澗張家塔爲爵瑛所敗犯寧夏者總兵官王效復破之帝大喜進天和左都御史吉囊犯河西天和禦却之進兵部尙書寇將入平虜城天和伏兵花馬池寇戰不

勝走河上遇伏兵多死于水吉囊乘虛寇固原剽掠且壓會湮潦弓矢盡膠無鬪志而諸將多畏縮天和斬指揮二人名故總兵周尙文令立功會陝西總兵官魏時角寇至黑水苑尙文盡銳夾擊殺吉囊于小十王寇退寧夏巡撫楊守禮總兵官任傑等復邀擊敗之鐵柱泉斬獲共四百四十餘級論功加天和太子太保廕一子錦衣千戶前後賚銀幣十數遷南京戶部尙書名爲兵部尙書督團營言官論天和衰老遂乞休歸家居三年卒贈少保諡莊襄天和初舉進士劉瑾欲與敝宗姓謝不往晚年內召陶仲文以刺逆稱戚屬天和反其刺曰悞矣吾中外姻連無是人仲文恚其罷官有力焉

**劉魁**字煥吾秦和人正德中登鄉薦受業王守仁之門嘉靖初謁選得寶慶府通判歷均州知州潮州府同知所至

氏姓譜

卷九八

十一九

劉氏

六一

際已愛人扶植風教入爲工部員外郎疏陳安攘十事帝嘉納二十一年秋帝用方士陶仲文言建祐國康民雷殿于太液池西所司希帝意務宏侈程工峻急魁欲諫度必得重禍先命家人粥棺以待遂上章曰頃泰享殿大高元殿諸工尙未告竣內帑所積幾何歲入幾何一役之費動至億萬土木衣文繡匠作班朱紫道流所居擬于宮禁國用已耗民力已竭而復爲此不經無益之事非所以示天下後世帝震怒杖于廷錮之詔獄時御史楊爵先已逮繫旣而給事中周怡繼至三人屢瀕死講誦不輟繫四年得釋未幾復追逮之魁未抵家緹騎已先至繫其弟以行魁在道聞之越就獄復與爵怡同繫時帝怒不測獄吏懼罪窘迫之愈甚至不許家人通飲食而三人處之如前無幾微尤怨又三年與爵怡同釋尋卒隆慶初贈卹如制

劉一儒字孟真夷陵人張居正姻也嘉靖三十八年進士  
屢官刑部侍郎居正當國嘗貽書規之居正歿親黨皆坐  
斥一儒獨以高潔名尋拜南京工部尚書甫半歲移疾歸  
初居正女歸一儒子珠琲執綺盈箱篋一儒悉扃之別室  
居正死貲產盡入官一儒乃發向所織物還之南京御史  
李一陽請還一儒于朝以厲恬讓帝可其奏一儒竟不起  
召卒于家天啓中追諡莊介

劉廷蘭漳浦人爲舉首負雋才時人稱焉舉萬歷八年進  
士張居正專政災異見而中外方競頌功德廷蘭上書座  
主申時行勸之補救時行不能用廷蘭與兄廷蕙廷芥亦  
皆舉進士有名世所稱南樂三魏漳浦三劉者也

劉孟雍南昌人官龍溪知縣時鄒縣知縣龍溪朱瑄建安  
知縣崑山張準婺源知縣建安吳春欵縣知縣江西樂平  
氏姓譜

卷九八

十九

劉氏

六一

石啓宗皆有惠利民率懷思不忘云

劉綱字之紀禹州人建文二年進士由府谷知縣遷寧州  
知州范州三十四年仁宗嘗賜酒饌人以爲榮正統中請  
老去民送之涕泣載道及卒寧民祀之狄仁傑祠中其孫  
卽大學士字也

劉觀字崇觀吉水人正統四年成進士方年少忽引疾告  
歸尋丁內艱服除終不出杜門讀書求聖賢之學四方來  
問道者坐席嘗不給縣令劉成爲築書院于虎邱山名曰  
養中平居飯脫粟服澣衣儵然自得每日端坐一室無懈  
容或勸之仕不應又作勤儉恭恕四箴以教其家取呂氏  
鄉約表著之以教其鄉冠婚喪祭悉如朱子家族有孤嫠  
不能自存者周之或請著述曰朱子及吳文正之言尊信  
之足矣復何言吳與蒯其鄰郡人也極推重之

劉中藻福安人由進士官行人賊陷京師薙髮被擄掠賊敗南還事唐王既事魯王攻降福寧守之移駐福安

大清兵破城冠帶坐堂上爲文自祭吞金屑死  
劉邦采字君亮族子曉受業王守仁歸語邦采遂與從兄友敏及弟姪九人謁守仁千里第師事焉父憂疏水廬墓免喪不復應舉提學副使趙淵檄赴試御史儲良才許以常服入闈不解衣檢察乃就試得中式久之除壽寧教諭擢嘉興府同知棄官歸邦采識高明用力果銳守仁倡良知爲學的久益徹有以揣摩爲妙悟縱恣爲自然者邦采每極言排斥焉

劉元卿字調父安福人舉隆慶四年鄉試明年會試對策極陳時弊主者不敢錄張居正聞而大怒下所司申飭且令人密詎之其人反以情告乃獲免既歸師同邑劉陽王

氏姓譜

卷九八

十九

劉氏

六三

守仁弟子也萬歷二年會試不第遂絕意科名務以求道爲事既累被薦乃召爲國子博士擢禮部主事疏請早朝勤政又請從祀鄒守益王艮于交廟釐正外蕃朝貢舊儀尋引疾歸肆力撰述有山居草還山續草諸儒學案賢奕編思問編禮律類要大學新編諸書

劉溥字原博長洲人祖彥父士賓皆以醫得官溥八歲賦溝水詩時目爲聖童長侍祖父遊兩京研究經史兼通天文歷數宣德時以文學徵有言以溥善醫者授惠民局副使調太醫院吏目耻以醫自名日吟咏爲事其詩初學西崑後更奇縱與湯允勤蘇平蘇正沈愚王淮晏鐸鄒亮蔣忠王貞慶號景泰十才子溥爲主盟

劉鏞江西龍泉人父允中洪武五年舉人官憑祥巡檢卒

子任鏞以道遠家貧不能反樞居常悲泣父友憐之言于



廣西監司聘爲臨桂訓導尋假公事赴憑祥莫知葬處鐫  
書夜環哭一蒼頭故從其父已轉入交趾忽暮至若有憑  
之者因得塚所在刺血驗之良是乃負歸葬

劉文煥廣濟人與兄文輝連糧愆期當死兄以長坐交煥  
詣吏請代叩頭流血所司上其狀命宥之則兄已死矣太  
祖特書義民二字獎之

劉準唐山諸生父喪廬墓冬月野火將及塚樹準悲號告  
天火遂息正統六年旌表

劉憲靈石諸生也父先亡母年七十餘兩目俱瞽憲奉事  
惟謹正德六年流賊入城憲負母避之城外賊追至欲殺  
母憲哀告曰寧殺我毋害我母賊乃釋之行至嶺後憲竟  
爲他賊所殺賊縱火焚民居獨憲宅隨蕪隨滅

劉閔字子賢莆田人生而純懿早孤絕意科舉求古聖賢

氏姓譜

卷九

十一

劉氏

六四

視躬訓家之法率而行之祖母及父喪未舉斷酒肉遠室  
家訓隣邑朔望歸則號哭殯所如是三年婦失愛于母出  
之獨居奉養疾不解衣母或恚怒則整衣竟夕跪榻前祭  
享奠獻一循古禮鄉人莫不欽重副使羅璟立社學講養  
親堂延閔爲師提學僉事周孟中捐俸助養知府王弼每  
祭廟社必延致齋居日此人在座私意自消置田二十餘  
畝贍之并受不辭及母歿卽送田還官廬墓三年弟婦求  
分產閔闔戶自撾婦感悟乃已宏治中僉都御史林俊上  
言伏見皇太子年踰幼學習處官中罕接外傳豫教之道  
似爲未備今講讀侍從諸臣固已簡用然百司衆職山林  
隱逸不謂無人以臣所知則禮部侍郎謝鐸太僕少卿儲  
瑾光祿少卿楊廉可備講員其資序未合德行可取者二  
人則致仕副使曹時中布衣劉閔是也閔臣縣人恭慎純

粹孝行高古日無二弼身無完衣處之晏如監司劉大夏徐貫等恒敬禮之臣謂可禮致時中爲宮僚閣以布衣入侍必能涵育薰陶神益睿質時不能用其後巡按御史宗彝饒瑋欲援詔劄舉閣經明行修閔力辭知府陳效請遂其志榮以學職正德元年選授儒學訓導

劉淵然贛縣人幼爲祥符宮道士頗能呼召風雷洪武二十六年太祖聞其名召至賜號高道館朝天宮永樂中從至北京仁宗立賜號長春真人給二品印誥與正一人等宣德初進太真人七年乞歸朝天宮御製山水圖歌賜之卒年八十二閏七日入殮端坐如生淵然有道術爲人清靜自守故爲累朝所禮其徒有郤以正雲南人早得法於淵然淵然請老荐之名爲道錄司左元義

劉文炳字淇筠宛平人祖應元娶徐氏生女入宮卽莊烈氏姓譜

卷九

十一

劉氏

六五

帝生母孝純皇太后也應元早卒帝卽位封太后弟效祖新樂伯卽文炳父也崇正八年卒文炳嗣是年文炳大母徐年七十賜寶鈔白金文綺帝謂內侍曰太夫人年老猶聰明善飯使太后在不知若何稱壽也因愴然泣下九年進文炳爲新樂侯其祖父世贈爵如之十三年宮中奉太后像或曰未肖帝不懌遣司禮監太監王裕民同武英殿中書至文炳第勅徐口授繪像以進左右咸驚曰肖帝大喜命卜日具鹵簿帝俯伏歸極門迎入安奉奉慈殿朝夕上食如生因追贈應元瀛國公封徐氏瀛國太夫人文炳晉少傅叔繼祖弟文耀文照俱晉爵有差文炳母杜氏賢每謂文炳等曰吾家無功德直以太后故受此太恩當盡忠報天子帝遣文炳視鳳陽祖陵密諭有大事上聞文炳歸奏史可法張國維忠正有方畧宜久任必能滅賊後兩

人果殉國難文炳謹厚不妄交獨與宛平大學生申湛然  
布衣黃尼麓及駱馬都尉鞏永固善時天下多故流賊勢  
益張文炳與尼麓等講明忠義爲守禦計及李自成據三  
秦破榆林將犯京師文炳知勢不支慷慨泣下謂永固曰  
國事至此我與公受國恩當以死報十七年正月帝召文  
炳永固等問國事二人請早建藩封遣永定二王之國帝  
是之以內帑乏不果行三月初一日賊警益急命文武勛  
戚分守京城繼祖守皇城東安門文燿守永定門永固守  
崇文門文炳以繼祖文燿皆守城故未有職事十六日賊  
攻西直門勢益急尼麓踉蹌至謂文炳曰城將陷君宜自  
爲計文炳母杜氏聞之卽命侍婢簡笥縋于樓上作七入  
纒命家僮積薪樓下隨遣老僕鄭平迎李氏吳氏二女歸  
曰吾母女同死此又念瀛國太夫人年篤老不可俱燼因  
氏姓譜

卷九入

十一九

劉氏

六

與文炳計匿之申湛然家十八日帝遣內使密召文炳永  
固文炳歸白母曰有詔召兒兒不能事母母拊文炳背曰  
太夫人旣得所我與若妻妹死耳復何憾文炳偕永固謁  
帝時外城已陷帝曰二卿所糾家丁能巷戰否文炳以衆  
寡不敵對帝愕然永固奏曰臣等已積薪第中當闔門焚  
死以報皇上帝曰朕志決矣朕不能守社稷朕能死社稷  
兩人皆涕泣誓效死出馳至崇文門須臾賊大至永固射  
賊文炳助之殺數十人各馳歸第十九日文照方侍母飯  
家人急入曰城陷矣文照盥脫地直視母母遽起登樓文  
照及二女從之文炳妻王氏亦登樓縣孝純皇太后像母  
率衆哭拜各縊死文照入纒墮拊母背連呼曰兒不能死  
矣從母命留侍太夫人遂逃去家人共焚樓文炳歸火烈  
不得入入後園適湛然尼麓至曰鞏都尉已焚府第自刎

矣文炳曰諾將投井忽止曰戎服也不可見皇帝湛然脫  
已幘冠之遂投井死繼祖婦亦投井死繼祖妻左氏見大  
宅火亟登樓自焚妾董氏李氏亦焚死初文燿見外城破  
突出至渾河間內城破復入見第焚大哭曰文燿未死以  
君與母在今至此何生爲遂覓文炳死所大書版井旁曰  
左都督劉文燿同兄文炳畢命報國處亦投井死闔門死  
者四十二人永固亦投觀象臺下井中死而湛然以匿瀛  
國爲賊所拷掠終不言體糜爛以死福王時諡文炳忠壯  
文燿忠果

劉迪簡宜春人學邃于易詩春秋吳元年徵入京授尚賓  
館副使陳時務五十條及進皇王大學通旨奉詔使交趾  
至南寧道卒所著有尙賓集孫衢舉于鄉任常州府通判  
揚州府同知有政聲

氏姓譜

卷九

十九

劉氏

六

劉子華字昭甫明春秋工爲詩詞洪武初以明經薦太祖  
御奉天門名見命賦開平王常遇春挽詩子華卽承詔賦  
詩少選而成其詩曰揮戈十載定河山忽報星沉易水灣  
馬首西風旌旆捲天涯落日凱歌還功成楚漢興亡際名  
在韓彭伯仲間聖主思功心獨苦黃金直欲鑄眞顏大稱  
旨授大興同知改青州推官政績懋著于任謬郡學生未  
弱冠領鄉薦及廷對太祖覽其策曰有用之才也乃賜進  
士及第授翰林院編修

劉傑江陵人愍節公雋之弟幼敦行義宗黨咸以孝弟稱  
洪武間以經明行修舉試優等授吏科給事中論劾無避  
諸有私歎者皆畏恐其知之陞雲南參議興利去弊民夷  
畏服致仕歸甚貧

劉廣羅田人洪武中以軍功爲指揮僉事守永平有膽畧

善用雙刀嘗病且殆語人曰吾當臨陣死王事安能居牖下死兒女手乎後胡騎入寇廣率四十餘騎與遇于城北力戰死之事聞遣使護喪至京賜其家楮幣以葬

劉政字仲理長洲人性聰睿肆力問學洪武己卯中鄉試第一時主考方孝孺批其文有羣鳥中之孤鳳及吾黨虛左之語政平生忠義自許靖難兵入閩孝孺死不食死之劉矩字仲方大名開州人永樂辛丑進士及第矩已取狀元帝夢鶴上殿上翌日檢卷得曾鶴齡遂寘爲第一矩爲第二授翰林編修陞修撰矩方正古朴有至行學問宏深以理爲宗嘗以程明道張橫渠爲準範爲文溫醇典則筆力遒勁至今鄉邦稱古君子以矩爲首卒于家祠鄉賢

劉昌字欽謨長洲縣人正統元年年方弱冠舉南畿解元明年以會魁登科爲文臆麗詩宗盛唐一時稱爲名家景氏姓譜

卷九

十一

劉氏

六

泰中官水曹嘗預內閣纂修天順元年罷還南都官至廣東參政卒所著有中州文表河南志姑蘇志文集等書

劉英寶砥縣人洪武中任爲山西繁峙知縣廉能守法深得民心後秩滿縣人詣闕乞留詔復任仍命禮部書錄其政績施羣以曉示天下

劉昇天順中主湘陰縣簿縣舊惟務水耕昇躬督閭墾原野教以雜植民始知山原之利至今受其惠去之日囊無餘貲君子以爲難

劉聲遠湘鄉人洪武中領鄉薦授梁山知縣有政績尋陞戶部郎中才名益振永樂中進陞交趾左參政復轉山東所至能聲赫然

劉鈺懷寧人凝重簡靜不妄言笑居家孝友有古人風景泰丙子鄉貢任紹興通判誠心愛民民不忍欺租稅應期

無敢後者平餘姚三戕民尤德之祠以祀焉

劉應峰知南昌縣縣當會事難綜核應峰以鎮靜處之一不為勞均丁糧以僉差役省工食以覈軍兵他如定追徵均鋪行革民船政績為一時之最卒祀名宦

劉季清南昌人景泰中進士授南京大理寺評事江陵有富民訟子不孝乃以至親曉譬子化之又姑訟婦不孝廉

直其寃婦得免季清為人孝友廉介每遇宴輒不懌或怪之曰老母久違養何能自樂居嘗食淡素以教授為業云

劉華南豐城人由進士歷吏兵給事中彈劾不避陞蘇州知府奏蠲虛糧三萬餘石以疾去起知雲南曲靖軍民府

夷民安之復以疾辭歸卒祀鄉賢祠

劉煥成化間為鄱陽令清慎廉明愛民禮士治為江西最築圩堤以捍水患長數千丈得田數千畝鄱民至今有賴

氏姓譜

卷九

十九

劉氏

九

立祠祀之因築隄得暑疾卒民哀痛如失父母

劉城鄱陽人少磊落有大志景泰丙子順天鄉薦授貴州道監察御史風聲振聳吏民憚之陞福建副使劾弊發伏

殆盡上杭盜劇城梟渠魁散其脅從患遂熄陞本司按察使風紀益厲勢家海販屏跡進廣西右布政使轉都察院

右副都御史巡撫河南撫諸觸法者立罪之威宦欽輯閭閻欣樂更生疾作卒官柩歸之日家設香案舉奠者塞道

劉幹永樂初為長洲縣丞廉介剛直門無私謁衣麕食糲九年不變滿去民擁道哭送後以百姓請留仍為丞卒于

官貧不能喪民為具棺歛送歸

劉紹洪武間延津知縣教民墾田樹桑棗惰農及犯輕罪者俾伐材木以修學宇自是訟簡田闢而學校興又教民

蠶織每婦女令月織布二端官為點視由是民知務

飢寒之嘆

劉迂宜黃人隱居不仕文章敏贍自成一家諸子百家皆精究迨米陸諸儒會鵝湖嘗以詩請益于理學有所得年八十餘無疾沐浴焚香而卒有文集

劉珂安福人進士歷知縣御史副使以至廣東布政使其宰麻城嘗悟五蛇入庭而伸五人橫死之寃人謂其政通幽明其在山西發倉賑飢活人無數

劉績江夏人幼聰敏不羈貫穿羣籍尤精于考究凡所撰述古雅冲淡根極理要負一時物望宏治庚戌進士歷吏部員外補鎮江知府所著有禮記正訓蘆泉詩文集

劉仁宅湖廣華容人正統間知瑞昌縣廉勤有爲下車首陳三疏蠲赤湖虛課二萬緡免舊欠蘆柴十餘萬完逋稅數千石抑強扶弱崇修學校士習丕變九江邏卒索賂於

民姓譜

卷九

二十九

劉氏

七

深山與村民格鬪且叛仁宅撫慰之民免血刃歷五載徵爲御史子忠宣公大夏適生于是邑人以爲仁者之報云劉蘭景泰初同知揚州府歲飢寬民租賦嘗築淮河口抵塩城潰隄百餘里以障民田修儀真瓜洲壩使河不壅流至今賴之先是漕卒用軍後更用民民困甚蘭申狀克復舊又覈寔塩竈稽戶補曠民獲以安致政歸揚民立德政碑頌焉

劉琥大庾人廩學生正寬之孫早失恃祖母鞠之祖母年踰八十琥與妻浣滌裳衣輒淚下自學舍歸省進食必跪嘉靖中都御史唐胄檄旌

劉常吉號心和湘鄉人由監生選陝西都幕憲司重之檄屬藍田事訪民間疾苦陳于上官剔弊緩徵民戴如慈母薦擢兩淮塩運同知未赴卒于藍田民赴哭者以千計

秦王聞其賢發官中秘器賻之

劉倫臨湘人成化乙酉舉人知四川灌縣誠心爲政九載秩滿士民請于當道願借一年比歸扳轅泣送皆不忍舍灌人祀之名宦萬歷庚寅祀鄉賢

劉祖修華容人大夏子也不第隱于山足跡不入城市敦睦宗族人無不愛敬者學臣高其行奉恩例欲冠帶之祖修辭不受

劉希文華容人天啓中以貢生授興文教諭流賊陷城縣令張振德被害希文暫署縣事賊復至誓死不去與其妻白氏同殉

劉文忠江西安福人攜貲寓湘鄉嘉靖間寇起黔蜀軍興旁午羽檄促縣飛輓無所出文忠請見願以私財充輓寬一邑枹楊令喜延之坐五日而七萬金畢具其後有以飛

氏姓譜

卷九八

十一

劉氏

七一

語許于臺使邑令持其手泣日子以義受禍誓以一官全子旋釋令欲爲治飛語者文忠復堅請免之

劉魁字渙吾江西泰和人嘉靖中任寶慶通判嘗愛陽明王守仁學造詣深潛詩文粹然一規于正著學說刊大學古本復風月臺作景濂堂及愛蓮亭擢知鈞州

劉靜萬安諸生嘉靖間流賊陷其縣負母出奔遇賊將殺母靜以身翼蔽求代死賊怒攢刃殺之猶抱母不解屍閱七日不變萬歷元年旌表

劉鸞正德間知東明縣時流賊攻東門幾陷乃據城督戰百餘合頃刺二鎗神色不變巡守愈厲乘風縱火燒賊賊圍始解活數萬民事間有綵霞之賜

歷代列女

劉氏婦長卿妻同郡桓鸞之女也生一男五歲而長卿卒



氏防遠嫌疑不肯歸寧兒年十五又夭歿氏慮不免乃預刑其耳以自誓宗婦相與愍之共謂曰若家殊無他意假令有之猶可因姑姊妹以表其誠何貴義輕身之甚哉對曰昔我先君五更學爲儒宗尊爲帝師五更以來歷代不替男以忠孝顯女以貞順稱詩云無忝爾祖聿修厥德是以豫自刑剪以明我情沛相王吉上奏高行顯其門閭號曰行義桓發縣邑有祀必騰焉

劉氏漢崔寔之母博覽羣書寔爲五原太守有善政母助之也

劉氏母琨母也琨素奢豪喜聲色徐閏以音律得幸驕恣干政護軍令狐盛數以爲言琨收盛殺之琨母曰汝不能駕御豪傑以恢遠畧而專除勝己禍必及我盛子泥奔漢具言虛寔漢主聰遣將寇并州以泥爲鄉導琨聞之東出

氏姓譜 卷九入 十一元 劉氏 七二

收兵于常山漢將乘虛襲晉陽琨還救不及帥數十騎奔常山父母見殺

劉氏婦陳氏亦聰辨能屬文嘗正旦獻椒花頌其詞曰旋窅周迴三朝肇建青陽散輝澄景載煥標美靈葩爰採爰獻聖容映之永壽于萬又撰元日及冬至進見之儀行世劉氏何無忌母征虜將軍建之女也少有志節弟牢之爲桓元所害劉氏每銜之常思報復及無忌與劉裕謀而劉氏察其舉厝有異喜而不言會無忌夜于屏風裏制檄友曰我不如東海呂母明矣旣孤其誠常恐壽促汝能如此吾仇耻雪矣因問其同謀知事在裕彌喜乃說桓元必敗義師必成之理以勸勉之後果如其言

劉氏劉聰之妻名娥字麗華僞太保殷女也幼而聰慧書

管女工夜誦書籍傳母恒止之娥敦習繭厲每與諸兄論  
經義理趣超遠諸兄深爲歎服性孝友善風儀進止聰既  
僭位名爲右貴嬪甚寵之俄拜爲后將起鸞儀殿以居之  
其延尉陳元達切諫聽大怒將斬之娥時在後堂私勅左  
右停刑手跪啓曰伏聞將爲妾營殿今昭德足居鸞儀非  
急四海未一禍難猶繁動須人力資財尤宜慎之延尉之  
言國家大政夫忠臣之諫豈爲身哉帝王距之亦非顧身  
也妾仰謂陛下上尋明君納諫之昌下忿闇主距諫之禍  
宜賞延尉以美爵酬廷尉以列土如何不惟不納而反欲  
誅之陛下此怒由妾而起延尉之禍由妾而招人怨國疲  
咎歸于妾距諫害忠亦妾之由自古敗國喪家未始不由  
婦人者也妾每覽古事忿之忘食何意今日妾自爲之後  
人之觀妾亦猶妾之視前人也復何面目仰侍巾櫛請歸  
死此堂以塞陛下誤惑之過聰覽之色變謂其羣下曰朕  
比得風疾喜怒過常元達忠臣也朕甚愧之以娥表示元  
達曰外輔如公內輔如此后朕無憂矣及娥死僞諡武宣  
皇后其姊英字麗芳亦聰敏涉學而文詞機辯曉達政事  
過于娥初與娥同召拜左貴嬪尋卒僞追諡武德皇后  
劉氏名悛字真長少清遠標致與母任氏寓居京口織芒  
屨自給葦門陋巷晏如也王導深器之晉武帝求婚曰得  
如劉真長足矣

劉氏彭城人渤海封卓妻成婚一夕卓官乎京師後以事  
伏法劉氏在家忽然夢想知卓已死哀泣嫂喻之不止經  
旬凶問果至遂憤嘆而死時人比之秦嘉妻中書令高允  
念其義高而不著爲之詩曰兩儀正位人倫肇甄爰制  
夫婦統業承先雖曰異族氣猶自然生則同室終契黃泉

封生令達卓爲時彥內協黃中外兼三變誰能作配克應  
其選寔有華宗挺生淑媛京野勢殊山川乖互乃奉王命  
載馳在路公務旣宏私義復著因媒致幣邁止一暮率我  
初冠眷彼弱笄形猶禮比情以趣諧忻願難常影跡易乖  
悠悠言邁戚戚長懷時遇嶮迤橫羅塵網伏質就刑身分  
土壞千里雖遐應如影響良嬪洞感發于夢想仰惟親命  
俯尋嘉好誰謂會淺義深情到畢志守窮誓不二醮何以  
驗之殞身是效人之處世孰不厚生必存于義所重則輕  
結憤鍾心甘就幽冥永捐堂宇長辭母兄芒世中野翳翳  
孤邱葛藟莫蒙荆棘四周理苟不昧神必俱遊異哉貞婦  
曠世靡儔

劉氏梁陽京縣人張洪禱妻年十七夫亡遺腹生一千三  
歲又沒其舅姑年老朝夕奉養卒禮無違兄矜其少寡欲

氏姓譜

卷九

十一九

劉氏

七四

奪嫁之劉自誓不許以終其身

劉氏河南長孫氏婦劉昶之女也昶在周尙公主爲上柱  
國彭國公位望甚顯與隋文帝有舊及受禪甚見親禮歷  
左武衛大將軍慶州總管其子居士爲千牛備身不遵法  
度數得罪上以昶故每原之諸事轉恣其姊劉氏垂泣誨  
之居士不改至破家產昶年高奉養甚薄其女時寡居哀  
昶如此每歸寧于家躬勤紡績以致其肥餅尋昶以居士  
故下獄并捕居士黨與憲司奏昶事母不孝其女知昶必  
不免不食者數日每親調飲食手自捧持詣大理餉父見  
獄卒跪以進之歔歔嗚咽見者傷之居士斬昶賜死于家  
詔百僚臨視時女絕而復蘇者數矣公卿慰喻之其女言  
父無辜坐子及禍詞情哀切人皆不忍聞見遂布衣蔬食  
以終其身上聞嘆曰吾聞衰門之女與門之男固不虛也

劉氏侍郎潘炎之妻劉晏之女也德宗時炎爲翰林學士  
恩渥極其異京尹某有故伺候累日不得見乃遣閹者三  
百緘夫人知之謂潘曰豈爲人臣而京尹願一謁見遺奴  
三百緘其危可知也遠勸潘公避位子孟陽初爲戶部侍  
郎夫人憂惕謂日以爾人材而在丞郎之位吾懼禍之必  
至也戶部解喻再三乃曰不然試會爾同列吾觀之因遍  
招深熟者客至夫人垂簾視之旣罷會喜曰皆爾儔也不  
足憂矣問末坐綠衣少年何人也曰補闕杜黃裳夫人曰  
此人全別必是有名卿相

劉氏婦滑州胙城縣孝女夏侯氏字碎金父長雲爲盩城  
縣丞因疾喪明時女已嫁劉寂求離夫家侍養其父兼事  
後母經十五年父卒毀瘠不勝被髮徒跣負土成墳廬于  
墓側每日一食雖寒不衣縮絮母喪亦如之貞觀中旌表

氏姓譜

卷九八

十一元

劉氏

七五

其門賜以粟帛

劉氏母宋劉安世母也有賢名安世初除諫官未拜入白  
母曰朝廷不以安世不肖使在言路倘居其官須明日張  
膽以身任責脫有觸忤禍譴立至主上方以孝治天下若  
以老母辭當可免母曰不然吾聞諫官爲天子諍臣汝父  
平生欲爲之而弗得汝幸居此地當捐身以報國恩若得  
罪流放無間遠近吾當從汝所之于是受命在職正色立  
朝面折廷諍人目之爲殿上虎

劉氏婦宋劉愚之妻徐氏女也愚入太學調江陵府教授  
移安鄉縣令有惠政不樂仕進遂致仕徐氏甘貧寡事機  
杼愚嘗懷白金歸徐怒曰我以子爲賢而若是亟令歸之  
愚出書以示之則東修所得也乃已

劉氏婦姓王氏利州路提舉常平司幹辦公事劉當可之

母也紹定三年就養興元元兵破蜀提刑龐援檄當可詣行司議事當可捧檄白母王氏毅然勉之曰汝食君祿豈可辭難當可行元軍屠興元王氏義不辱大罵投江而死其婦杜氏及婢僕五人咸及于難當可聞變奔赴江澣得母喪以歸詒贈和義郡夫人

**劉孝女**應城人劉氏之生女也劉氏生孝女因得廢疾至十歲知其由嘆曰母爲我而致此疾耶年及笄剪髮誓不適人奉母四十餘年孝愛不倦志操無瑕母死不踰月相繼卒年五十六歲鄉人稱其孝焉

**劉氏**高化劉安上女育于雍熙初九齡與羽人說道得度及笄許何氏子劉氏送之忽有一白鵝自空而下劉氏乘之而去陳軒詩白鶴乘去人何在青鳥飛來信已遙若使何郎有仙骨也須同引鳳凰簫

氏姓譜

卷九

十一

劉氏

七六

**劉夫人**字希建建炎間嘗主內翰文字及寫宸翰高宗甚眷之

**劉氏**海州朐山人陳公緒妻也宋紹興末金人犯山東公緒倡義歸宋劉不得與偕惟挈其子以行宋授以官劉留北方音問不通或勸之改適劉曰吾知守吾志而已遑卹乎他公緒亦不他娶于庚浸長輒思念涕泣後迎母以歸劉在北二十五年嘗緯蕭以自給

**劉氏**益陽舉人蔡大立妾北直人年十六歸蔡十九守節糲食布衣撫嫡子若孫向學成立年七十卒神宗旌其門曰奇節

**劉氏**二女南海人母病一女割股一女割肝以救之鄉閭咸動宋經畧使龔茂良上其事詔旌表其門倍給粟帛

**劉氏**安福人朱雲孫妻姑病雲孫割股以進而愈姑復病

劉亦割股以進又愈宋尙書謝諤爲朱孝婦詩

劉氏宋南康吳村居勝里田家女也及笄父母先許適高州蔡氏已而悔之更許適吳氏未幾吳卒又欲以歸蔡女曰先使我棄蔡從吳今又欲從蔡是大傷風化何視吾身不輕也悲痛發憤自沉潭水而死鄉人憐之名曰賢女潭立祠于其傍

劉氏龍南人鍾克俊妻克俊痛宋亡義不食元粟投龍頭江而死時遺孤柔甫晬當改物之初兵戈擾攘劉奉其姑避于南雄備歷艱險孤稍長攜歸令從鄉先達雷州推官劉震學日自程課督之柔力學工文名聞州郡間與語及龍頭江事輒相對長號竟日忘食卒成其子之賢

劉氏蕭大賓妻大賓德行見重于鄉年八十二累荐賓席劉佐理家政綽有賢聲壽登百表萬歷間建坊額曰百歲

氏姓譜

卷九八

十九

劉氏

七

流芳

劉氏名壽貞舉人劉復初女淑媛貞靜性聰慧能讀書凡列女傳女訓內則等篇皆樂誦不倦幼許字本城人盧春春家貧役于京遽亡計聞貞遂呼天而泣父母慰之曰女尙未適安得遽爾痛悼貞含淚答曰兒已許盧氏卽盧氏婦矣夫死失所天焉得不痛遂服斬衰春櫬至則攜婢出城扶柩入盧氏家拜舅姑止喪所語其父母曰盧氏舅姑年老無依兒當留此奉養古訓云忠臣不事二主烈女不更二夫自今伊始女是盧家寡婦矣凡內外兄弟俱不得一面父母見其志堅乃賢之其舅姑悲喜交集貞遂對衆自題其堂曰冰雪堂以禮殯夫親營壘居喪盡制孝事舅姑四十餘年如一日焉有司以其事聞詔旌表月給食歲給衣年七十四終其婢亦慕貞節義相隨不肯適人貞死

削髮爲尼

劉氏名玉許聘崑陽張氏子未婚張氏子病亡許至玉欲往弔其父母不許女誓以死父母不得已攜女赴弔玉暗藏匕首以往既至拜舅姑後撫棺三匝拜畢卽自刎愆前事聞詔建坊旌表

劉氏名翠哥李仲義妻至正二十年房山縣大飢平章哈刺不花兵乏食執仲義欲烹之劉氏聞之遽往涕泣伏地告曰所執者吾夫也乞憫之貸其生吾家有醬一甕米一斗五升窖于地中可掘取之以代吾夫兵不從劉氏曰吾夫以辛勤瘦小不可食吾聞婦人肥黑者肉美吾肥且黑願就烹以代夫兵遂釋其夫而烹劉氏聞者皆泣

劉氏大同人至正二十八年戊申秋與姑華氏俱爲河南軍帥所掠苦被驅迫華謂劉曰汝芳年奈何劉曰有死耳

氏姓譜

卷九

十一

劉氏

七

華曰刎無刀縊無索奈何劉曰當激賊怒以就死耳相與大罵遇害劉時年二十一嘗賦庭柏詩云羣卉枯落時挺節成孤秀旣保歲寒心不在遐年壽蓋以自况卒如其言劉氏洞庭人葉正甫妻也夫久客都下劉氏以衣寄夫并以詩詩曰情同牛女隔天河又喜秋來得一過歲歲寄郎身上服絲絲經妾手中梭剪釐自覺和腸斷線縷那能抵淚多長短只依先去樣不知肥瘦近如何

劉氏媼胡氏渤海劉平妻至元七年平當戍棗陽車載其家以行夜宿沙河旁虎至銜平去胡覺起追及之持虎足顧呼車中兒取刀殺虎虎死扶平還至棗陽平究以傷卒劉氏順寧臺叔齡妻也粗知書克修婦道一日地震屋壞壓叔齡不能起家復失火叔齡欲救母不得就焚呼曰吾已不可得出當亟救吾母劉謂夫妹曰汝救汝母汝兄必

死吾不用復生矣卽自投火中火滅家人得二屍燼中猶手相握不開朝論嘉其烈命錄付史館

劉氏河南彰德人夫齊闕應募爲千夫長戰死澤潞間劉貧無所依有強議婚者劉佯曰吾三月三日有心願償畢當從汝言是日竟往天寧寺登浮圖絕頂祝天日妾本河南名家女遭世亂適湖南齊闕爲妻今夫已死不敢失節遂投地而死

劉氏婦蕭氏濟南劉公翼妻也有姿容通書史至正十八年毛貴兵將壓境預與夫謀曰妾詩書家女誓以冰霜自將倘城陷被執悔將何追妾以二子一女累君去作清白鬼于泉下夫曰事未至何急如此居亡何城陷蕭自縊死劉氏陵州呂彥能妻也至正十八年賊犯陵州劉氏曰妾爲君家婦二十八年並不幸逢亂離必不負君于是彥能

氏姓譜

卷九八

十一

劉氏

七九

二女及子婦王氏二孫女皆隨劉氏溺井并彥能之姊一門死者七人

劉氏藍田人夫張訥爲監察御史早卒氏守志家居河東受兵氏二子衡衍俱以事出外度不能自脫遂與二婦孫氏姚氏決死盡發貲囊分給家人婦姑同縊焉

劉氏順州人夫安志道及劉氏之弟明理并登進士第劉避兵匿崖穴中軍至欲汚之叱曰我弟與夫皆進士我豈受汝辱軍士以兵磨其體劉大罵不輟聲軍怒鉤斷其舌含糊而死

劉氏二女長曰貞年十九次曰孫年十七南昌人皆未許嫁陳友諒寇江西其母泣謂二女曰城破置汝何所二女曰寧死不辱比城陷二女登樓相繼自縊婢鄭奴亦自縊劉氏冀之衡水人年十二通古文孝經見小學書固請讀



之母不許一日閨語兄誦姪教婉婉聽從復請于母遂通  
內外篇及笄適同郡曹泰甫五月紅巾掠河朔見劉艷美  
持刀輒驅之劉曰吾婦人知從夫而已賊冀其悅已出金  
珠寘前以綺衣被劉劉手裂之賊擁之上馬墮地者數四  
賊怒繩其項繫馬後曳之劉以爪據地頭觸石流血而死  
劉氏韓太初妻也真定新樂縣人太初仕元爲顯官洪武  
七年家徙和州劉氏奉養姑甯至南宮縣姑仆地傷其腰  
劉氏顛天刺臂血和湯以進遂愈至瓜州姑復病再進再  
愈至和州鬻蔬以供養無遺禮又二年姑患風疾不能起  
時盛暑劉氏晝夜驅蠅蚊不怠蛆生枕席齧其蛆蛆不復  
生姑病隨愈後除夕姑忽病危嚙劉氏小指意與之永訣  
劉氏不悟明旦斬指滴血和粥以進姑病旬復愈逾越月  
而卒劉氏遵遺命殯之淺土俟歸葬舊塋五年而弗果哀

氏姓譜

卷九

十一

劉氏

八十

號常如祖括之日事聞朝廷召至京厚賜之官送寧氏喪  
歸葬新樂旌門復免其役

劉氏妻麻城人邑庠生熊幼學之女也年五歲許適邑人

劉康十一歲聞舅計持喪三年隆慶壬申冬將婚會日過

夜及期而康病甚女聞之慟默計服可藥病剋服上片肉

欲遺康幼弟誤棄之女復重剗寸許遺康食之疾稍愈延

月餘復作女知不起泣欲奔康死計聞伏地哭幾絕頓小

甦嘆曰吾事定矣是日卽不飲食求死母勸解之女曰我

前月方疹若以疹死亦能顧恤我耶衆皆勸之曰汝未成

婦無死之義有勸以改聘者女曰吾已割股食劉又向服

三年而出適女之服父母止于期何者義勝恩也故女爲

天死卽陪之以父母之命而終無以得其曲從誠重義耳

劉氏二女興化人嘉靖四十一年與里中婦同爲倭所掠

繫路傍神祠中倭飲酣遍視繫中先取其姊姊罵聲曰我名家女也肯汚賊乎倭笑慰之曰若從我當詢父母歸汝女曰父母未可知此時尚論歸耶倭尚撫背作欸曲狀女怒大罵時黃昏倭方縱火女卽赴火死已復侵其妹妹又大罵倭露刃脅之不爲動曰欲殺卽殺倭欲強犯之女紿曰吾固願從俟姊骨燼乃可否則不忍也倭喜負薪益火火熾女又赴火死時同死者四十七人二女爲最

劉氏穎州劉梅女許聘李之本之本歿女泣血不食語父曰兒爲李郎服三年需弟稍長然後殉寄語翁且勿爲郎置槩遂盡去鉛華教弟讀書親正句讀越一年梅潛許田家女聞中夜開篋取李幣挑燈製衣衣之縊死知府謝詔臨其喪隣里弔者如市田家亦具奠賻舉酒方酌樞前承灌瓦盆劃然而碎起高丈餘透檐如蝶陸觀者震色

氏姓譜

卷九入

十元

劉氏

八一

劉氏二孝女汝陽人父玉生七女家貧力田嘗至隴上嘆曰生女不生男使我扶犁不輟其第四第六女聞之惻然誓不嫁著短衣代父耕作及父母相繼卒無力營葬二女卽屋爲邱不離親側隆慶四年督學副使楊俊民知府史桂芳詣其舍請見二女年皆逾六十矣

劉氏婦馬氏年十六歸平湖諸生劉濩十七而寡翁家甚貧利其再適必欲奪其志不與飲食百計挫之志益厲嘗閉門自經或救之則繫絕而墜于地死矣急解之漸蘇翁又陰納沈氏聘其姑誘與俱出令女奴抱持納沈舟婦投河不得疾呼天救我須臾風雨晝晦疾雷擊輿欲覆者數四沈懼乃旋舟還之事聞于縣縣令婦別居時父兄盡歿無可歸假寓一學舍官贍之以老

劉氏張能信妻太僕卿憲寵女性至孝姑病十年侍湯藥

不離側及病劇舉刀刲臂侍婢驚持之舅聞囑醫言病不宜近腥膩力止之踰日竟刲肉煮糜以進則姑已不能食乃大悔恨曰醫給我使姑未斃我心復封肉寸許痛哭莫實前將闔棺取所奠置棺中曰婦不獲復事我姑以此肉伴姑側猶身事姑也鄉人莫不稱其孝

劉氏京師人有松江人戍邊者詐稱無妻娶劉旣而遇赦歸給劉曰吾暫歸省久之不復至劉抵私訪之夫拒不納劉哭曰良人棄我我將安歸乃剪髮爲尼行乞市上人多憐而周之劉置一棺夜卧棺中數十年隣火起劉入棺呼曰乞與合棺以畢吾事遂焚死

劉烈女錢塘人少字吳嘉諫鄰富兒張阿官屢窺之一夕緣梯入女呼父母共執之將訟官張之從子倡言劉女誨淫縛人取財人多信之女呼告父曰賊污我名不可活矣

氏姓譜

卷九八

十一九

劉氏

八二

我當訴帝求直耳卽自縊盛暑待驗暴日下無屍氣嘉諫初惑人言不哭徐察之知其誣也伏屍大慟女目忽開流血淚數行若對泣者張延訟師丁二執前說女傳魂于二曰若以筆汚我先殺汝二立死時江濤震吼岸土裂崩數十丈人以爲女冤所致有司遂杖殺阿官及從子

劉氏婦光燦妻也高陵李氏夫歿勵志苦守崇正四年賊陷高陵年七十九其家掖之走曰未亡人棄先夫室何往語未已賊露刃入卽取刀自刺流血淋漓賊壯其烈與飲食怒不受以盃擊賊罵曰吾忍死四十九年今噉賊食耶遂遇害

劉氏婦邱氏孝感劉應景妻崇正末爲賊所執逼從不可賊曰刃汝邱曰得死爲幸賊注油滿甕漬其衣語同類曰此婦倔強將蒸之邱哂曰若謂死溺死焚死刃有間乎官

兵旦夕至若求如我得哉賊怒束木焚之火熾罵不絕口  
劉氏婦王良器女劉臺妻也崇正八年流賊陷和州與王  
用賓妻尹氏用賢妻杜氏用聘妻魯氏用極妻戴氏五人  
同匿城西別墅誓偕死及賊登陣呼聲震地五人相持泣  
日亟死亟死母汚賊刃結纒纒斷適用賢所佩劍挂壁上  
杜趨拔之爭磨以到次第死

劉氏妾雷氏爲劉長庚妾長庚爲同州諸生賊陷潼關將  
及州長庚拜家廟名妻及二子曰汝年長且有子當逃名  
雷及所生女曰汝年少當從吾死雷曰妾志也長庚攜酒  
登樓謂妾曰汝平日不飲今當共醉妾欣然引滿長庚且  
飲且歌夜半編題四壁拔刀示妾曰可以行乎對曰請先  
之奪刀自刎長庚乃解所繫纒縊于梁女方七歲橫刃于  
壁以頸就之而死

氏姓譜

卷九

十一

劉氏

八三

劉氏婦王氏宛平應龍妻年十六嫁應龍家貧以女紅養  
舅姑應龍父子相繼亡王事姑撫子闔二十年賊陷都城  
泣拜姑曰留長孫奉事祖母婦死已決遂攜幼子投井死  
劉氏韓鼎允妻鼎允爲懷寧諸生福王時城潰舅姑雙柩  
殯于堂劉守不去賊欲剖棺劉抱棺號哭賊釋之一女年  
十三賊欲縱火而數盼其女劉給之曰苟不驚先柩女非  
所惜也賊喜投炬攜女去劉送女目門外池示之女卽投  
池死賊怨刃劉劉罵不絕口死

劉氏張秉純妻秉純和州諸生家故貧氏操井臼處之怡  
然國亡秉純絕粒死氏一勺水不人口闔十有六日肌骨  
銷鑠命于扶至柩前祭拜痛哭而絕

劉氏直陽人馬瓊妻年二十夫亡號泣三月不絕孀居紡  
織誓不再醮養舅姑撫幼子守節始終不渝正統八年旌

表其門

劉氏名美玉博平人生員劉俊女也正德六年同父遇賊賊殺俊女以身翼之賊脅女以行女罵曰恨不殺汝豈從汝行遂死之有司給葬祭詔表曰劉氏雙節立石旌善亭劉氏廣昌人年十九適張世昌生二子俱亡世昌病二年不起劉氏湯藥不離左右世昌卒劉拔髮納于棺中誓不改節卒踐其言景泰三年旌表其門

劉氏斬人馬廷寔妻廷寔儒生貧甚劉績紡奉姑年甫二十廷寔死遺孤溺死孫甫三周劉同媼潘氏撫之以延馬嗣事聞萬歷申旌其門

劉氏二節婦劉悌妻常氏雲南人悌卒常年二十六家徒四壁遺孤甫三月矢死不二以女紅自給撫子以存因名曰大節歷六十餘年節旣成立爲諸生娶嚴氏節尋卒家

氏姓譜

卷八

十一

劉氏

八

道益替甘貧守節亦撫其子中庚子鄉試鄉人稱雙節云劉氏女韻榆人孝子劉炯女也許嫁邑人張森未行而森卒女告父母欲往送葬許之至期衰麻往哭守節終身正德間旌表

劉氏宜化縣人劉裕女年十九歸黃聰生子正甫期月而聰卒氏哀毀幾絕事姑撫幼誓不二志正後領鄉貢任嵩明州同知廉能有聲人以爲賢訓所致孀居六十餘年冰玉之操終始如一年八十二卒

劉烈友興業人楊頂村楊四妻年二十四而楊卒有富商欲奪之暗其家以財劉矢志不二乃逮之于獄強以必從劉遂服毒而死

劉氏名辰秀貴州銅仁人父劉仁次正德間仕梧州府判長秀偕庶母張氏郭氏弟時舉幼妹祈秀堂兄時復族兄

澄隨父之任父卽世于大墟舟次昭平堡聞荒藤猶巷灘有寇舟人皆恐辰秀聞之指江曰萬一不免死此而已二庶母亦曰不幸誠如爾言遂相抱而哭無何賊至辰秀曰敢辱先人乎獨恨此覩無歸耳亟投緹囊啗賊乘間赴水死張氏抱所秀繼之郭踵繼之俱死辰秀年十六張年二十郭年二十八賊怒斬繫時舉入巢維時澄病偃艙艙時復隱映舵側得不死愬于守臣浴酒索尸藁葬昭平江上督學題其匾曰三烈

劉烈女陳清妻宣化人清死于水子琚幼劉大慟曰本期偕死奈孤何因督琚力學琚益厲以貢爲德慶判官感奮立功與賊戰死之琚子大經登鄉舉大綸成進士爲邑著姓邑人稱劉爲女宗云

劉烈女崇善人黃佶妻幼與女兄甚相愛及嫁不忍捨相氏姓譜

卷九

十一

劉氏

全

過無虛日倍死時劉年十九子一更幼女兄勸之嫁劉已含怒不應明日至復從容言之劉涕泣哭拊佶靈誓不與姊相見情愛遂絕佶弟黃益亦早卒子幼妻程氏以死自誓如妯娌首以雙節稱

劉烈女宜山人彭諫妻諫出商遭賊死劉聞哭謂妯娌曰夫亡誰不能獨存幸善事姑以其餘視汝姪女吾死足矣卽閉門自縊諸婦往救氣未絕從旁獲視者審劉乃不飲食亡何見喪至劉往迎且行且笑因嚙舌而死

劉烈女舉人魏希儒妻年十五歸魏夫卒訃至痛哭幾絕家人屢諭之弗能止哭七日不食死臨死謂父綱曰以孝衣殮我則瞑目矣

劉烈女上思州人其夫黃旻以州兵從軍古田死軍中劉聞之哀不自勝因刻厲匿跡子日和日曙長大教之讀書

曰兵凶戰危汝父遠死卽前鑿也後二子相次沒復教孫德裕嚮學士民公舉署印推官羅士智通詩三院錫金旌表焉

劉氏胡勝遠妻瀏陽人也夫卒氏年二十八事姑撫幼歷兵變不替其心年七十一卒洪武七年詒旌其門

劉氏雙節攸縣人劉欽道妻蕭氏妾馬氏蕭年二十九馬年十九夫故同志矢節羅洪先贈詩云人間鐵石爲心胆天上銀河洗肺肝萬歷十年巡按御史郭思極奏聞旌曰雙節

劉氏茶陵人向高畚妻也年十四歸高畚舉子方二歲高畚墮水死是日氏適誕一兒聞變求死者再旣念懷中子節哀鞠之未幾乳兒亦殤劉遂哭泣死

劉氏郭紹傳妻年十七夫卒遺子珩未週父母屢勸改適氏姓譜

卷九

十一

劉氏

六

不從甘貧守志不苟言不色服事翁姑以孝聞訓子珩入泮知縣及儒學俱以匾獎之

劉氏南昌人蕭一和妻年二十九和卒誓以死殉觸棺復甦赴河獲救越四日家人防之稍懈乃沐浴告靈返室嚼舌而終

劉氏女南昌劉正鑿女隨父流寓宿遷許聘管評未婚而評妖劉哀毀絕粒三日不死給父母欲向管氏致奠父母從之祭畢歸室扃戶自縊死撫按旌之同鄉喻文偉令宿遷爲之立祠

劉氏新昌人李九華妻家貧事舅姑以孝聞崇正戊寅劉隨九華任井陘兵備駐獲鹿縣至城陷劉與第三子亮投烈焰死少子亮投井死招魂歸葬吳甘來爲表其墓癸未井陘兵備楊汝經獲鹿令游九達建祠祀劉及二子

劉氏女名懿文新淦人及笄父許婚趙國祥子未嫁夫卒父將他適曰曩許趙氏義不可再竟投井死鄉人因名其里曰懿文鄉

劉氏名靈萬安處士劉本直女嫁秦和彭原復生二男三女詡其長也年二十六而寡幼涉書記能知古者女婦賢行誓死不嫁嘗以其父所藏書訓詠遂有成其處姻族恤隣里馭臧獲各盡其道卒年六十八王直爲之傳

劉氏永新人江繼文妻年二十而寡撫孤守節子玉琳成進士諡旌其間知州柯暹撰貞節碑兩經兵燹碑獨不燬劉氏名順貞安福人伍希憲妻年二十八希憲卒托劉以母與孤劉自誓守節養姑教子一如夫命宏治間旌表

劉氏名淑賢廬陵人羅文忠妻年二十四文忠卒惟一女父母舅姑隣其年少無嗣勸之改適劉度不得志以女託氏姓譜

卷八

十一

劉氏

八七

始娣素厚者因就寢自縊死

劉氏名季姐秦和人歐陽嵩妾嵩爲郎中病卒劉年二十五誓隨正室蕭氏守節蕭曰此非易事且汝無嗣劉曰有宜人在死生以之因相倚爲命及蕭病劉侍湯藥月餘衣不解帶蕭卒劉哀痛殮畢遂自縊樞旁

劉氏二女劉蘊球之二女安福人球挈家客思州長女適王邦潮次女未嫁會苗破思州二女相攜赴澄塘水自溺死王婦乳兒纔二歲勢急裹兒置石崖中賊去女奴得其子因覓死者于澄塘面如生仍兩手相攜當事褒之給驛歸櫬還葬鄉里

劉氏吉安劉安期之女黃麟徵妻也年十五歸黃未久麟徵卒誓死守節治夫喪葬及翁之喪葬畢卽自治一穴于

夫墓旁御史李謙菴爲之銘



劉氏安福忠節劉鐸女王藹之妻也幼敏慧過入學書又學劍年二十一藹卒遺孤文度尙未晬矢志守節甲申之亂有猾將張姓者陽以軍需責餉欲逼劉氏劉以刃相向曰有斷頭寡婦無辱身寡婦也張乃止劉祭父親自爲文又刻父遺集未竟而卒時年三十五子文度爲邑庠生搜其詩文遺稿十餘卷未及刻而卒

劉氏安福人朱國璿妻國璿沒遺二子親戚勸其他適劉泣曰祖母謝氏貞壽名堂敢隳先烈而棄藐諸乎紡績課子終身弗怠壽八十卒龍泉郭維經以詩表之

劉氏安福入彭彥士妻年十七適彭生一子彥士以貧舌耕于外疾危聞于家劉曰盍先死幸則以身代不幸亦先夫往遂自縊後彥士病愈人以爲劉之激烈所感

劉氏名珍娘永新人周長清妻歸周甫七日獻寇入境家氏姓譜

卷九八

十一

劉氏

八八

人謀避地劉以輿力護其姑而已步行爲賊所追及露亦脅之大罵曰吾頭可斷身不可辱也賊怒遂殺之

劉氏名錦娘樂安劉希仁女許聘陳澗未幾澗父母相繼卒錦娘亦行喪服正德癸酉年十七澗病卒劉欲歸臨母謂汝未嫁不可往劉卽密服毒死遺言于嫂云我死以我歸陳殉夫葬提學李夢陽稱其幼冲克執舅姑之喪能奮殉夫之烈絕無而僅有也

劉氏名勝玉傳道匡妻臨川劉同亨女父病噎絕粒五日女刲股食之病稍愈漸能飯竟延半載人以爲至孝所感

劉氏名恒玉金谿劉錫女聶裕妻生子稔甫周晬而裕卒劉年十九矢志守節專舅姑生養死葬一一循禮年六十餘而卒萬歷間奉詔旌表孫長中鄉試仕至國子助教

劉氏南城人張孺文妻年二十六孺文卒姻親憐其子幼

家貧咸勸改適劉以不活爲誓朝夕號泣喪明守節三  
餘年正統三年旌表

劉氏廣昌人吳世昌妻年十九適吳生二子俱亡世昌病  
二年不起劉侍湯藥不離左右世昌卒劉披髮納于棺內  
誓不改適卒踐其言景泰三年旌門

劉氏南城劉仕和女年十八贅連忠信爲壻生子允恭方  
一歲忠信卒仕和論之曰吾以汝爲嗣汝夫歿弱孤未必  
成人爾圖之劉應曰天將福吾父耶未亡人之孤足承祀  
也矢志不奪後允恭之後甚蕃劉七十七終連仲緝有傳  
劉氏上饒人饒汪芳芳瘋廢貧甚謀更遣之劉泣曰夫貧  
且疾妾命也敢不以死從備紡績以給朝夕姚源賊至劉  
護芳不忍去賊辱之不從斬芳首以脅之罵益厲遂遇害  
劉氏安仁人李介妻正德九年寇至介家擁之以行劉憤  
罵曰爲婦人而辱于賊生何以見夫死何以見祖宗于地  
乃投于池中賊竟殺之

劉氏鄱陽人張泉妻年二十二撫孤守節鬻田宅營葬舅  
姑及父母憚其單寒令歸同居曰吾張門婦辭不往及子  
失配有勸續再醮者艷然曰我羞與失節人居壽六十七  
劉氏安仁人王璽妻璽早歿劉痛絕雙耳遂聾撫三歲孤

景良比長娶李氏生于師元師愷景良又卒李與姑苦節  
相守後師元登嘉靖乙卯科師愷入庠二氏俱八十而終  
劉氏鄱陽人徐昇妻性至孝年九歲母病刲股療之延三  
月歸徐早寡守節撫孤卒年五十六

劉氏名玉蘭彭澤人年十八適同邑計偉越五載夫亡哀  
痛殊切圖與俱死旣而翁舉夫喪劉泣告願少留乃移別  
築室停之劉苦塊以居悲號傷心嘔血數升父母恐遷柩

藁葬劉曰吾今得死期矣遂不解衰經七日不食而卒舉其屍見袖中所遺巾帨皆夫之遺物

劉氏大庾人彭道誥妻年十八夫死數月始生男程劉教養卒成其學官博羅縣丞程卒劉復養其二孫俱成名壽躋八十終知府張弼賦真桃篇美民間四節婦劉其一也

劉氏贛縣人朱崇文妻年二十八而寡家貧織紵以育孤顯永樂癸未顯舉于鄉授石城訓導母戒之曰爾少爲人之師當效古人學半之功子遵其訓克稱職焉丙戌有司狀其事于朝得賜旌表

劉氏名潤貞瑞金人許宗慶妻嘉靖四十年流賊入境宗慶挈家避陳石山寨賊攻寨甚急潤貞告其母曰此寨不守吾其死矣斷不受污以辱夫也越四日寨破潤貞遂投崖死

氏姓譜

卷九八

十一五 劉氏

九

劉氏會昌人王達妻嘉靖辛酉爲賊所劫強污不從脅以利刃罵益厲賊列腹而死家人收其屍面如生奏聞旌表

劉氏鄱縣人尹文光妻正德中流寇至居民走避氏年甫十八姑病匿山澤中爲賊所執欲污之不從賊以刃加其頸卒不屈賊怒殺之

劉氏安仁人陳思詩妻正德中猺賊攻縣被執將污之劉引首就刃曰吾寧死不辱賊怒置薪兩袖中火發膚裂越七日死

劉氏衡陽人王萬善妻萬善鄉舉第一旣寢疾氏年少伏牀泣日願效死萬善叱之曰吾服道有年令婦人殉死不祥萬善卒氏居一小樓足不履地者四十餘年而卒

劉氏女名午貞衡山人同母弟鳳山佐令西川父母在堂定省之事一委之午貞父母甚依賴焉將爲之擇配午貞

泣曰弟志在四方兒復置父母去死不願也迨母氏沒志益堅後父繼娶生二子午貞已在中年或微諷之午貞曰吾幼不作女子狀今恐俯首事人邪父沒出女工所積作石冢葬之而自營壽藏于側且建庵以守墓作橋以利涉嘉靖乙丑攸縣劉欽薦改所建黃板橋爲貞義橋撰文以紀之卒年九十六

**劉氏烈女**衡陽人幼字陳某年十二獻賊縱掠劉竄入廁室賊誘之出女以糞擲賊面賊以巨石擊殺之

**劉氏烈女**衡陽人甯惟志妻年二十六而寡善事舅姑孀居六十九年一女適蔣際明年十四夫亡隨母守節以終

**劉氏烈女**陳秉道妾嫡卒遺子半歲秉道隨沒劉年二十經紀喪事克盡誠信養嫡子如已出值兵亂隻手支持教子成諸生卒年九十二

貞姓譜

卷九

十九

劉氏

九一

**劉氏烈女**祁陽人熊佐兆妻明末佐兆以武力累功食伯爵隨營粵西戰死劉聞報一痛幾絕尋悉召諸僚佐至署慷慨出見曰爲國死忠爲夫死義禮也妾將從忠臣熊公于地下矣敢與諸公訣因出二子託焉而三分其貲一與二子一犒兵一供夫祭葬費有勸止之者劉笑曰夫以身殉國區區一女子苟活何爲衆皆感嘆求劉數日活可及生祭許之明日升帳上坐受祭如禮絕不作兒女默塞謁躋狀人益怪之少頃謝客入則投繯絕矣三軍皆感泣

**劉氏烈女**字木屏江西吉安人丙辰進士劉鐸之女鐸未第時遊學至湘潭主于孝廉謝所舉家稱文章知已後居官正直不附魏瑞遂罹非刑死木屏年十九喪夫守節遭闖逆之變有欲以勢娶者木屏孤身走數百里奔湘潭匿所舉家乃得脫木屏善古文詞崇正時號三吳才子有自

評文集行世

劉氏烈女邵陽人李惟敬妻也年十四以姑危疾于歸奉湯藥勤浣滌承順惟謹姑旋愈氏益盡孝得姑歡心未三年卒惟敬感其孝終身不再娶

劉氏烈女新化人曾廷秀妻也廷秀沒氏年二十九無嗣誓不改節姑多病氏侍湯藥惟謹姑沒哀痛備至朝夕祭奠事死如生孀居四十年水操如一

劉氏烈女武陵人龍凌霄妻適凌霄期年生子甫三月凌霄疾篤嘆曰吾死幼子誰托氏泣曰君脫不幸吾忍負君凌霄卒氏矢節孝養舅姑撫子成諸生事聞旌表

劉氏烈女京師人父蘭卒矢志不嫁以養其母崇正元年年四十六矣母病沒女遂絕粒殉之

劉氏烈女懷寧人應天府丞顏素之孫婦也崇正末亂兵

氏姓譜

卷九八

十一九

劉氏

九二

焚掠江市其舅與夫先在南京劉子身出避倉皇無所之舅舅婦雜走登舟慨然曰吾儕婦人保姆不在義不出帷敢亂羣乎遂投江死

劉氏烈女強資之妻姑病篤顛神割心和藥以進姑遂愈劉年近百歲卒

劉氏婦南昌劉天瑞妻熊氏年二十三而寡生子仲高娶喻氏年二十亦寡生子觀方四歲熊自念嫠居艱難諷喻曰此熒熒四歲兒安可冀望喻泣曰姑能不負所天吾獨不能乎前途明暗一聽諸命于是姑婦紡織自給觀竟有成立孫曾不下二十餘人熊沒年九十一喻亦八十一人以爲天道之報有雙節集行於世

劉氏烈女江寧人章文虎妻有寄外詩碧紗窗下一聲蟬牽惹愁腸懶畫眠千里才郎歸未得無言空撥玉爐烟畫

扇停揮白晝長清風細細襲衣裳奚童來報新篘酒安得  
良人共一嘗

劉氏女温嶠從姑有女姿慧屬嶠覓壻後報之曰得壻矣  
門地身材名位皆不減嶠因下玉鏡台一枚姑大喜既婚  
女以手披紗扇撫掌大笑曰我固疑是老奴

劉三女劉孝綽之妹也并有才學長適王叔英世稱劉大  
娘次適張曠次適徐懌稱劉三娘名令嫻尤清拔懌卒三  
娘爲祭文詞甚悽愴父勉欲爲哀文既觀此文遂擱筆并  
有文集行世

劉氏婦劉文光妾贈別光詩玉手織織捧玉柘仙郎南去  
幾時回天涯到處生芳草須記臨寒雪裡梅

劉烈女苑革香山人戶部何藻之妻有詩一卷題曰落霞  
山下女子劉苑革吟有辭姊妹詩曰花中七姊妹並帝渡

民姓譜

卷九八

十九

劉氏

九三

連了春風時見面秋月明朱華北柯戀南條風飄素雲遮  
柔條與綠葉望望長風沙

劉烈女名祖滿一名瓊蘭字蘭雪幼嗜古書喜作韻語每  
意到卽成得性情之正年十四母患目疾燃指供佛願以  
身代及火發昏絕母哭不止雙目復明孝所感也有梅花

雜閣叢文

陳藻

劉氏烈女蔡安節妻益陽人年二十五夫亡家貧無子破  
屋頽垣織紝自給守志日堅壽至九十縣令陳珍詩曰自  
許孤孀易星更九十難年年桃李艷夜夜枕衾寒暗室羞  
重醮中流羨障瀾百年千載記女範一肩擔

劉氏婦劉琰字威碩婢妾十人悉教讀書能誦魯靈光殿  
賦

劉氏天鴻臚劉巨公女也名泰瑛南鄭楊相之妻有四男

二女相亡教訓六子動有法矩長子元珍出行醉母十日  
不見之曰我在汝尚如此我亡何以帥羣弟子元珍叩頭  
謝過仲子仲珍白母請客既至無賢者母怒責之仲珍乃  
革行交友賢人兄弟爲名士泰瑛之教流于三世四子才  
官隆于先人故時人爲語曰三苗口止四珍復起

**劉氏烈女杜羔妻也善爲詩羔累舉不中第乃歸將至家  
妻卽先寄詩與之曰良人的的有奇才何事年年被放回  
如今妾面羞君面君到來時近夜來羔見詩卽時回去後  
竟登第**

氏姓譜卷之九十八終

氏姓譜

卷九八

十九

劉氏

九四

